

賜板

訂正東醫寶鑑

六

外形篇一  
耳 鼻 口舌 牙齒 咽喉 頸項 背

ヤ 9  
905  
8



門 9  
號 905  
卷 8

9  
853

訂正東醫寶鑑外形篇卷之二

御醫忠勤貞亮扈聖功臣崇祿大夫陽平君臣許浚奉教撰

耳

耳自受陽氣以聰明

人之耳目猶月之質必受日光所始能聰明是故耳自之陰血虛則陽氣所加受之而視聽之聰明失耳目之陽氣虛則陰血不能自施而聰明亦失然則耳自之聰明必須血氣相須始能視聽也  
綱目

耳者腎之竅

內經曰腎主耳入曰腎在竅為耳。腎氣通於耳腎和則耳能聞五音矣。難經曰腎藏精靈樞曰精脫者耳聾夫腎為足少陰之經乃藏精而氣通于耳耳者宗脈之所聚也若精氣調和則腎藏強盛耳聞五音若勞傷氣血兼受風邪損於腎藏而精脫者則耳聾無聞也  
實鑿

東醫寶鑑外形篇二

脉法

病耳聾脉大者生沉細者難治脉經○左寸洪數心火上炎兩尺洪數相火上炎其人必遺精夢泄兩耳或鳴或聾正傳○腎脉浮而盛為風洪而實為熱細而瀼為虛醫鑿○耳病腎虛遲濡其脉浮大為風洪動火賊沉瀼氣凝數實熱塞久病聾者專於腎責暴病浮洪兩尺相同或兩尺數陰火上衝回春

耳鳴

黃帝曰人之耳中鳴者何氣使然岐伯曰耳者宗脉之所聚也故胃中空則宗脉虛宗脉虛則下流脉有所竭故耳鳴靈樞○上氣不足耳為之苦鳴○髓海不足則腦轉耳鳴靈樞○內經曰一陽獨少陽厥也註曰嘯謂耳中鳴如嘯聲也一陽膽與三焦也膽及三焦脉皆入耳故氣逆上則耳中鳴○耳鳴乃是聾之漸惟氣閉者多不鳴便聾入門○凡人嗜慾無節勞役過度或中年之後大病之餘腎水枯涸陰火上炎故耳痒耳鳴無日而不作或如蟬噪之聲或如鍾鼓之聲早而不治漸至

聾聾聾良可嘆哉正傳○虛鳴者耳觸風邪與氣相擊其聲嘈嘈宜芎芷散或腎氣不足宗脉虛風邪入耳為鳴先用五苓散方見寒門加枳殼橘皮紫蘇生薑同煎吞青木香丸方見氣門散邪疎風下氣續以芎歸飲和養直指○風熱酒熱耳鳴用通聖散方見風門加枳殼柴胡南星苦黃青皮荊芥酒炒製煎服丹心○痰火上升兩耳蟬鳴漸欲聾宜加減龍蒼丸鉞砂酒通明利氣湯復聰湯醫鑿○耳鳴皆是腎精不足陰虛火動也痰火者鳴甚腎虛者微鳴宜補腎丸黃芪丸大補丸滋腎通氣湯或六味地黃丸方見虛勞以全蝎四十九枚炒黃為末每二錢温酒調和吞下百丸得效○耳內闕闕然是陰虛也丹心

芎芷散

治風入耳虛鳴川芎一錢半白芷蒼朮陳皮細辛石菖蒲厚朴半夏木通紫蘇葉辣桂甘州各七分右剉作一貼入薑三一片連鬚蔥白二莖煎服入門

芎歸飲

治風邪入耳虛鳴川芎當歸細辛各一錢蘇

片棗二枚紫蘇七葉

水煎食後服直指

加減龍蒼丸

治痰火上升耳鳴艸龍膽酒洗當歸酒

洗梔子炒黃芩青皮各一兩大黃酒蒸青黛柴胡各五錢蘆薈牛膽南星各三錢木香二

錢半麝香五分右為末神麴糊和丸棗豆大薑湯

鍼砂酒

治虛火痰氣鬱於耳中或閉或鳴痰火

煉出山甲將鍼砂以酒一椀浸三四日陰酒

通明利氣湯

治虛火痰氣鬱於耳中或閉或鳴痰火

熾盛痞滿煩躁貝母一錢二分陳皮一錢黃連黃芩並酒浸猪膽汁拌炒黃柏酒炒梔子

炒生乾地黃薑汁炒檳榔各五分川芎四分木香二分半甘艸二分右剉作一貼入薑三片水煎入竹瀝五匙服醫鑿

復聰湯

治痰火上攻耳鳴耳聾半夏赤茯苓陳皮甘

艸篇蓄木通瞿麥黃柏鹽炒各一錢右剉作一貼入薑三片水煎服丹心

補腎丸

治陰虛火動耳鳴熟地黃兔絲子酒製各八

兩當歸身三兩半肉蓯蓉五兩山茱萸二兩半黃柏知母並酒炒各一兩破故紙酒炒五錢右為末酒糊和丸梧子大空心鹽湯下五七十九丸

黃芪丸

治腎虛耳鳴夜間睡著如打戰鼓黃芪一兩

日茯苓炒羌活各五錢大附子一箇炮羯羊腎一對焙乾右為末酒糊和丸梧子大空心煨蔥鹽湯下三五十九丸

大補丸

治耳鳴欲聾黃柏八兩剉入乳拌勻晒乾再

用鹽水炒褐色右搗為末水丸梧子大空心

鹽湯下百丸。○一名獨勝丸。醫鑿。

### 滋腎通耳湯

治腎虛耳鳴欲聾。當歸川芎白芍藥生乾地黃酒炒各一錢。知母黃柏並酒炒。黃芩酒炒柴胡白芷香附子各七分。右剉作一貼。空心水煎溫服。同春。

### 耳聾

耳聾皆屬於熱。然有左耳聾者有右耳聾者有左右耳俱聾者不可不分。夫左耳聾者足少陽火也。忿怒之人多有之。龍蒼丸主之。右耳聾者足太陽火也。色慾之人多有之。六味地黃丸主之。方見虛勞。左右俱聾者足陽明之火也。醇酒厚味之人多有之。通聖散。方見風門。滾痰丸。方見痰飲。主之。總二者而言之。則忿怒致耳聾者為多。厥陰少陽火多故也。丹心。○腎水竅耳而能聞聲者。水生於金也。肺主氣。一身之氣貫於耳。故能聽聲。凡治諸聾必先調氣。開鬱。間用磁石羊腎丸以開關竅。益聾皆痰火鬱結。非磁石鎮墜烏桂椒辛菖蒲辛散流通。則老痰鬱火何由而開。愈後以通聖

散和之可也。入門。○左耳聾婦人多有之。以其多忿怒故也。右耳聾男子多有之。以其多色慾故也。左右俱聾膏梁之家多有之。以其多肥甘故也。醫鑿。○新聾多熱久聾多虛。入門。○耳聾有風聾溼聾虛聾勞聾厥聾卒聾。○左耳聾宜龍膽湯。右耳聾宜滋陰地黃湯。左右耳俱聾宜酒製通聖散。清聰化痰丸。同春。

### 磁石羊腎丸

治諸般耳聾補虛開竅行鬱散風去濕。磁石二兩煨。再用蔥白木通各三兩。剉同水煮一伏時。取石研水飛。二兩川芎白朮川椒棗肉防風白茯苓細辛山藥遠志川烏木香當歸鹿茸兔絲子黃芪各一兩。肉桂六錢。半熟地黃二兩。石菖蒲一兩。半右為末。羊腎兩對酒煮爛。和酒糊。和丸。梧子大空心溫酒。或鹽湯下五十九丸。入門。

### 龍膽湯

治忿怒動膽火致左耳聾。黃連黃芩梔子當歸陳皮牛膽南星各一錢。艸龍膽香附子各

### 磁陰地黃湯

八分玄參七分青黛水香各五分乾薑炒黑二分  
右剉作一貼入薑三片水煎入玄明粉三分服同春  
治色慾動相火致右耳聾熟地黃一錢  
半山藥山茱萸當歸川芎白芍藥各八  
分牡丹皮澤瀉白茯苓石菖蒲遠志知母黃柏並  
鹽酒炒各六分右剉作一貼水煎服空心亦治太  
病後耳聾同春

### 清聰化痰丸

治飲食厚味挾怒氣以動肝胃之火致  
耳聾耳鳴壅閉不聞聲音橘紅去白鹽  
水洗赤茯苓蔓荊子各一兩片苓酒炒八錢黃連  
酒炒白芍藥酒浸煨生地黃酒洗柴胡半夏薑製  
各七錢人參六錢青皮醋炒五錢生甘州四錢右  
為末蔥湯浸蒸餅和丸菘豆大茶清下百丸同春  
風聾者風邪入耳必耳中痒或頭痛風熱鬱者  
空酒製通聖散入門。耳聾皆屬於熱少陽厥  
陰熱多宜開痰散風熱通聖散方見風門倍入酒  
煨大黃再用酒炒三次後入諸藥通用酒炒水煎

### 風聾

食後服心丹。風虛耳  
聾宜桂香散入門

### 桂香散

治風虛耳聾南星炮白芷各一錢蘇桂川芎  
當歸細辛菖蒲木香木通白蒺藜麻黃甘州  
各七分右剉作一貼入紫蘇七葉  
薑三片蔥白二莖水煎服入門

### 溼聾

溼聾者因雨水入耳浸漬必耳內腫痛涼膈散  
方見火門倍入酒炒大黃又黃芩酒浸炒加羌  
活防風荊芥水煎服或五苓散方見寒門加陳皮  
枳殼紫蘇生薑煎服。黃龍散入龍腦少許吹入  
耳中妙入明

### 黃龍散

治沐浴水入耳中成膿耳亦治小兒聾耳枯  
白礬龍骨煨黃丹水飛胭脂燒灰海螵蛸煨  
各一錢麝香少許右為末先以紙燃拭乾  
膿水乃以綿燃蘸藥入耳日日易之同春

### 虛聾

因久瀉或大病後風邪乘虛入耳與氣相搏嘈  
嘈而鳴或時眼見黑花宜四物湯方見血門加

### 勞聾

知母黃柏並鹽酒炒菖蒲遠志水煎服或腎氣丸方見虛勞加磁石破故紙兔絲子黃柏空心鹽湯吞下。○若勞後脫氣者補中益氣湯方見內傷加菖蒲白茯苓黃柏知母並鹽水炒煎服入門。經日精脫者其候頰顴色黑耳輪焦枯受塵垢者是也。因房勞脫精者人參養榮湯方見虛勞加知母黃柏並鹽水炒煎服或補骨脂丸益腎散入門。○腎虛耳聾宜六味地黃丸方見虛勞加遠志菖蒲黃柏知母並鹽水炒亦治陰虛火動而聾。○同春。○腎虛耳聾宜燒腎散腎虛久聾宜蠶蝎散開。

### 補骨脂丸

治勞損耳聾磁石煨淬一兩二錢半熟地黃當歸川芎肉桂兔絲子川椒破故紙白茯苓胡蘆巴杜仲白芷菖蒲各二錢右為末。蜜丸梧子大空心蔥白湯下五十九丸入門。

### 益腎散

治腎虛耳聾磁石煨淬巴戟川椒各一兩石菖蒲沉香各五錢右為末以猪腎一枚細切

和以蔥鹽并藥末用溼紙十重裹煨令熟空心細嚼以酒下直指

### 燒腎散

治腎虛耳聾磁石火煨醋淬七次附子炮川椒炒巴戟各一兩右為末用猪腎一枚細切蔥白韭白各一錢入藥末一錢鹽一匙和勻溼紙裹煨熟取出空心細嚼溫酒送下十日見效保命

### 蠶蝎散

治耳聾因腎虛所致十年內者一服愈全蝎四十九箇去稍洗焙去風熱生薑切片如蠶大四十九片開喉右二味銀石器內炒乾為細末向夕勿食夜臥酒調作一服至二更以來徐徐盡量飲五更耳中聞百十攢笙響自此聞聲三四

### 厥聾

暴厥而聾偏塞閉不通內氣暴薄也內經五藏六府十一經脈有絡於耳者其陰陽經氣有相併時併則藏氣逆名之曰厥厥氣相薄入於耳之脈則令聾名曰厥聾氣逆耳聾有三肝與手太陽少陽也經云肝氣逆則頭痛耳聾是也手太陽氣厥而聾者其候耳內氣滿熱壅手少陽氣厥而

聾者其候耳內渾渾惇惇一云輝輝燿燿皆宜四  
物湯吞下龍蒼丸或燒腎散以通之寶鑑○因藏  
氣厥逆入耳痞塞不通必兼眩暈宜當歸龍蒼丸  
方見火門兼用塞耳丹塞耳入門○熱氣閉塞者  
耳不鳴  
丹心

### 卒聾

卒聾者腎氣虛風邪搏於經絡入於耳中正氣  
與邪氣相薄故令卒聾宜芎芷散方見上清神  
散方見下○暴聾皆是厥逆之氣經云少陽之厥  
暴聾是也綱目○暴聾宜蒲黃膏龍腦膏塞耳方  
見下○甘遂為末作丸塞耳內服甘艸煎湯令兩  
人各製用不可一處安頓又巴豆二十粒為泥松  
香五錢入蔥汁搗作  
丸綿裹塞耳中入明

### 耳重聽

耳重聽宜清神散  
聰耳湯地黃湯

### 清神散

治風氣壅耳常重聽頭昏不清白僵蚕甘菊  
各一兩羌活荆芥木通川芎香附子防風各

五錢石菖蒲甘艸各二錢半右為末每二  
錢食後茶清調下或剉水煎服亦可入明

### 聰耳湯

治耳重聽不清黃柏酒炒一錢當歸酒洗白  
芍藥酒炒生地黃酒洗川芎知母酒炒陳皮  
烏藥白芷防風羌活酒洗獨活酒洗薄荷蔓荊子  
蒿本酒洗各五分細辛三分右剉作一貼水煎食  
後服服後低頭  
睡一時醫鑑

### 地黃湯

治腎經熱右耳聽事不真每心中佛意則轉  
覺重虛鳴疼痛磁石煨淬為末二兩生乾地  
黃酒洗一兩半枳殼羌活桑白皮防風黃芩木通  
各一兩甘艸五錢右麤末每四錢水煎日二服州本  
耳者宗脈之所聚腎氣之所通足少陰之經也若  
勞傷氣血熱氣乘虛入於其經熱氣聚則生膿寒  
耳謂之聾耳綱目○人耳中有津液若風熱搏之  
津液結硬成核塞耳亦令暴聾謂之聾耳熱氣乘  
虛隨脈入耳熱聚不散膿汁出焉謂之膿耳直指  
○耳中津液結核塞耳暴聾而為聾耳宜服柴胡

### 聾耳



聰耳湯外用猪脂地龍鍋底煤等分蔥汁和丸棗核大綿裹入耳令潤挑去丹心

### 柴胡聰耳湯

治聾耳耳中乾結耳鳴而聾連翹二錢柴胡二錢人參當歸甘艸各一錢右剉

作一貼入薑二片水二盞煎至一盞去滓入水蛭末五分蚰虫二三枚末麝香一分再一沸食遠服

### 耳痛成膿耳

風邪乘少陰之經入於耳內熱氣聚則痛而生膿或風熱上壅腫痛且夕膿汁流出皆謂之膿耳膿不去則塞耳成聾入門

○耳內作痛宜鼠粘子湯蔓荊子散犀角飲子荊芥連翹湯東垣鼠粘子湯○去膿汁宜紅綿散抵聖散黃龍散方見上明礬散吹耳散○耳痛以白龍散塞耳

○耳熱出汗滑右石膏天花粉防風各一錢龍腦一分右為細末糝耳中即止綱目

### 鼠粘子湯

治耳內生腫紅如櫻桃極痛連翹片苓酒炒玄參苦蕒梔子酒炒鼠粘子炒艸龍膽

酒炒板藍根即鼠粘子生甘艸各一錢右剉作一貼水煎食後服隨飲酒一二盞醫鑿

### 蔓荊子散

治腎經有風熱耳中熱痛出膿汁或鳴或聾蔓荊子赤茯苓甘菊前胡生地黃麥門冬桑白皮赤芍藥木通升麻甘艸各七分右剉

作一貼入薑二片棗二枚水煎食後服正傳

### 犀角飲子

治風熱耳聾腫痛及出膿水犀角屑木通石菖蒲玄參赤芍藥赤小豆甘菊各一錢

甘艸五分右剉作一貼入薑五片水煎服濟生

### 荊芥連翹湯

治兩耳腫痛由腎經有風熱荊芥連翹防風當歸川芎白芍藥柴胡枳殼黃芩

梔子白芷苦蕒各七分甘艸五分右剉作一貼水煎食後溫服回春

### 東垣鼠粘子湯

治耳內痛生瘡苦蕒一錢半黃芪柴胡各七分鼠粘子連翹生乾地黃酒

炒當歸尾黃芩生甘艸炙甘艸各五分昆布蘇木黃連蒲黃艸龍膽各三分桃仁三箇紅花一分右

剉作一貼水煎食後服東垣

紅綿散

治膿耳枯白礬海蝶蛸各一錢乾胭脂五分麝香一字右研勻先以綿纏子拭去耳中膿水盡卻以紙燃麝藥

抵聖散

治耳中膿出經年不愈烏賊骨三錢乳香二錢枯白礬乾胭脂輕粉各一錢麝香五分右細末或糝入或紙入耳中東垣

明礬散

治腎經有熱上衝於耳使津液凝滯為稠膿清汁亦有沐浴水入耳停滯為膿但不疼若不差變成膿枯白礬龍骨各三錢黃丹二錢乾胭脂一錢麝香少許右為末先去膿水次吹藥入心丹

吹耳散

治腎經風熱耳內出膿汁乾胭脂海蝶蛸枯白礬龍骨赤石脂密陀僧煨膽礬青黛鵬砂黃連各一錢龍腦二分麝香一分右為細末先去膿水次吹藥入回春

白龍散

治耳中卒然大痛寒水右煨四兩烏賊魚骨滑石各一兩鵬砂三錢輕粉一錢右為末香

耳痒

油調如糊以紙燃蘸入耳中痛立止東垣  
有人患耳痒一日一作可畏直挑剔出血稱愈明日復然此乃腎藏虛致浮毒上攻未易以常法治也宜服局方透米丹方見風門忌酒麪雞猪辛熱之物能盡一月為佳不然無效得效○宜服玄參貝母湯

玄參貝母湯

治耳熱出汗作痒乃痰火也防風貝母天花粉黃柏鹽水炒白茯苓玄參白芷蔓荊子天麻半夏製各一錢甘艸五分右剉作一貼入薑三片水煎食後服醫證

透關通氣藥

邪氣閉塞為聾聵當用透關通氣之藥宜塞耳丹通神散鍼砂酒方見上蒲黃膏龍腦膏甘遂散透耳筒透鐵關法

塞耳丹

治氣壅塞聾聵石菖蒲一寸巴豆肉一粒全蝎一箇為末蔥涎和如棗核大綿裹塞耳得效

### 通神散

大治耳聾全蝎全者一箇土狗二枚地龍二條雄黃白礬半生半煨各半錢麝香二分半右為末蔥白蘸藥入耳閉氣面壁坐一時二日一用直指

### 蒲黃膏

治耳卒聾細辛蒲黃各五錢杏仁神麴各七錢半右為末杏仁膏和捻如棗核大綿裹塞

### 龍腦膏

治同上龍腦一分椒目五錢杏仁泥二錢半右為末和捻棗核大綿裹塞耳日二易實鑿

### 甘遂散

治耳聾甘遂末蔥汁和丸綿裹塞耳中口含甘艸湯兩藥須各兩處修製妙入門

### 透耳筒

治腎氣虛耳鳴如風水聲或如鍾磬響或卒暴聾椒目巴豆肉石菖蒲松脂各半錢為末以蠟熔化和勻作筒子樣綿裹納耳中口一易神效得效

### 透鐵關法

治耳聾好活磁石二塊剉如棗核大搽麝香少許於磁石火上塞兩耳竅中口內噴

生鐵一塊候一時兩耳氣透風颯有聲為度勤用三五次即愈醫鑿

### 修養法

以手摩耳輪不拘遍數所謂修其城郭以補腎氣以防聾噴也養性○養耳力者常飽養性

### 不治證

久聾腎虛氣虛絕不聞者難治入門

### 諸蟲入耳

諸蟲入耳不出將兩力於耳門上相磨敲作聲蟲聞自出又將鏡子敲之亦出本州○取車釘脂塗耳孔蟲自出本州○藍青汁滴入耳中蟲自出得效○川椒末醋浸良久取汁灌耳中蟲自出本州○諸虫及風入耳白膠香燒烟熏入耳耳內煖蟲自出綱目○虫入耳痛者鰻鱺魚膏塗入耳中本州○諸虫入耳桃葉熟按塞耳中即出本州○惡虫入耳桃葉作枕枕之虫自鼻出得效○飛虫入耳好醋滴入耳內虫必灰而出綱目○飛蛾入耳醬汁灌耳中即出又擊銅器於耳傍亦出本州○百虫入耳韭汁蔥汁薑汁麻油雞冠熱血隨所得灌耳中即出本州○驢乳牛乳灌入

耳亦即出丹心。蜈蚣入耳生薑汁或非汁灌耳中即出得效。又猪脂肉炙令香掩耳蜈蚣自出本州。○蜘蛛入耳半夏生為末麻油調塗耳門外虫聞香即出。綱目。○活地龍一條納葱葉中化水滴耳中蜘蛛化為水本州。○鼠婦虫研如泥攤紙上燃作條納耳中自出又蝸牛滴水研爛滴耳中亦出。綱目。○脂麻油作煎餅枕臥須臾出本州。○小蒜汁滴入耳即出諸虫皆同本州。○牛酪或鹽乳灌耳中當消成水本州。○蟻子入耳穿山甲燒末水調灌之即出本州。○猪脂或牛脂或肉炙令香安耳孔虫自出本州。○耳中有物不可出用弓弦或麻繩打令頭散塗好膠粘著其物徐徐引出。本州。○取蔥管合於耳門內極力吸之即出本州。○一切虫物入耳不出以竹管入耳內用口氣盡力吸出最妙丹心。

單方

凡二十種

白礬

治膿水出耳中煨為末入麝香少許綿裹塞耳中本州

鹽

治耳卒痛鹽三五升蒸熱裹以青布枕之令復易立效。綱目

磁石

治久聾取緊磁石如豆大穿山甲燒為末二分半右新綿裹了塞耳中口中含小生鐵覺耳內如風雨聲即愈。綱目。○又磁石生研細綿裹納耳中別用鍼砂末納不聾耳中自然通聽。直指

菖蒲

治耳聾石菖蒲一寸巴豆肉一粒合搗作丸綿裹塞耳日一易。○耳痛取自然汁灌耳神效。本州

生地黄

治耳鳴耳聾生地黄灰火煨綿裹塞耳數易之以差為度。本州

薄荷

治水入耳取汁點入立效。經驗

葶麻子

治耳聾耳鳴葶麻子去皮四十九粒大棗肉十箇入乳和搗令勻每取作棗核大綿裹塞耳中覺熱為度一日一易名棗子錠得效。

甘遂

治入聾甘遂半寸綿裹塞耳內甘州半寸嚼口中即通綱目○又甘遂末吹入左耳甘州末吹入右耳亦效須兩人各處修製乃效丹心

巴豆

治耳聾久聾耳痛巴豆肉一兩松脂三兩同搗勻作棗核大綿裹塞耳日一易本州○巴豆一粒去皮蠟裹鍼刺一孔令透塞耳中本州○巴豆肉十四箇研爛鵝脂半兩熔化作丸綿裹塞耳中丹心

龜尿

治久聾取得尿盛青蔥管中滴入耳中取尿法以明鏡照龜龜滯發放尿又艾灸其尻亦放丹

鯉魚膽

治耳聾取汁滴入耳中本州○取鯉腦髓綿裹塞耳亦治聾直指○治暴聾鯉魚腦髓二兩粳米二合和鹽醬煮粥食入門

鼠膽

治久聾取膽汁令病人側臥瀝汁入耳令盡須臾膽汁從下耳出初灌益聾半日乃差能治

上羊老聾但鼠膽難得鼠纔死膽便消矣或云月初二日前有之入門○鼠腦髓綿裹塞耳亦治聾直指

蛇膏

治耳聾取蛇膏塞耳中神效千金○耳內忽人痛如虫在內奔走或血水流出痛不可忍蛇退皮燒存性為末吹入耳中立愈正傳

蚯蚓汁

治耳聾取地龍納蔥葉中化水點之本州

杏仁

治耳痛出膿水熬赤為末蔥涎和丸綿裹入耳中日三易本州

芥子

治耳聾搗為末人乳汁和丸綿裹塞耳日兩易本州

雞抱卵殼

治耳內有膿痛不可忍取卵殼皮炒黃為末香油調灌耳內痛即止種杏

雄猫尿

治耳聾取尿滴入耳中左滴左右滴右如猫不放尿取生薑擦其齒即放尿綱目

麝香

治氣閉耳聾真麝香為末以蔥管吹入耳內後將蔥塞耳內耳自明回春

驢生脂

治積年耳聾取脂和生椒熟搗綿裹塞耳妙不可言本冊

鍼灸法

耳鳴取液門耳門中渚上關完骨臨泣陽谷前谷後谿陽谿偏歷合谷大陵太谿金門○耳聾取中渚外關和膠聽會聽宮合谷商陽中衝○暴聾取天牖四瀆○灸耳暴聾蒼朮長七分一頭切平一頭削尖將火頭插耳中於平頭上灸七壯重者二七壯覺耳內熱即效綱目

鼻

鼻曰神廬

黃庭經曰神廬之中當修治呼吸廬間入丹田神廬者鼻也乃神氣出入之門也類聚

鼻為玄牝之門戶

老子曰谷神不死是謂玄牝玄牝之門為天地根綿綿若存用之不勤何

謂玄牝之門答曰鼻通天氣曰玄門口通地氣曰牝戶口鼻乃玄牝之門戶也正理

鼻為肺之竅

內經曰西方白色入通於肺開竅於鼻肺在竅為鼻正理○五氣入鼻藏于心肺

心肺有病而鼻為之不利也正理○難經

脈法

左寸脈浮緩為傷風鼻塞流涕右寸脈浮洪而數為鼻衄鼻鱗正傳

鼻淵

內經曰膽移熱於腦則辛頰鼻淵鼻淵者濁涕下不止也傳為衄膿眼目註曰膽液下注為濁涕下不已如水泉故曰鼻淵也久而不已必成衄血失血多故曰視瞑暗也○鼻淵者外寒束內熱之證也正傳○鼻流濁涕者屬風熱也回春○鼻淵宜黃連通聖散防風湯蒼耳散荊芥連翹湯○一人鼻流濁涕有穢氣脈弦小右寸滑左寸澀先灸上星三里合谷次以酒芥二兩蒼朮半真各一兩辛夷細辛川芎白芷石膏人參葛根各五錢右剉分毛貼服之全愈丹溪○鼻中常流臭黃水甚者腦亦痛俗名控腦砂有虫蝕腦中用絲瓜藤近根三五尺許燒存性為末酒調服即愈正傳

黃連通聖散

治鼻淵證，即風門，防風通聖散。加酒炒黃連、薄荷、葉煎服。

防風湯

治鼻淵濁涕下不止，防風一兩，酒炒片苓人參、川芎、麥門冬、甘艸各一兩，右細末，每二錢沸湯點服，食後日三或四。

錢沸湯點服，食後日三或四。取七錢水煎服，亦可。

蒼耳散

治鼻淵，白芷一兩，辛夷五錢，蒼耳子炒，錢半，薄荷一錢，右末，每二錢蔥茶清調下，食後

三四

荊芥連翹湯

治鼻淵，荊芥、柴胡、川芎、當歸、生地、黃赤芍藥、白芷、防風、薄荷、梔子、黃芩、苦蘆、連翹各五分，甘艸三分，右

剉作二貼，水煎服。回春。

鼻飶

鼻者鼻流清涕也。入門。鼻中水出曰鼻。內經。傷風則決然鼻流清涕。網目。鼻流清涕者屬肺寒也。回春。鼻流清涕宜川椒散。鼻飶二陳湯方見痰飲。加川芎、當歸、細辛、白芷、防風、羌活、苦蘆。

薄荷生薑煎服外，以細辛膏塞鼻中。入門。老人鼻飶不止，用獨頭蒜四五箇，搗爛貼腳底心，用紙

貼之，鼻自止。種杏。

川椒散

治鼻飶，紅椒炒訶子肉、白薑、生桂心、川芎、細辛、白朮各等分，右為末，每二錢溫酒調下。

細辛膏

治鼻塞，腦冷清涕不止，細辛、川椒、乾薑、川芎、吳茱萸、附子各七錢，半皂角屑五錢，桂心一兩，猪油六兩，右煎猪油成膏，先一宿以苦酒浸前藥，取入油煎附子黃色，止以綿裹塞鼻孔中。入門。

鼻衄

詳見血門。

鼻塞

鼻塞皆屬肺。綱目。寒傷皮毛，則鼻塞，不利火鬱清道，則香臭不知，新者偶感風寒，鼻塞聲重，流涕噴嚏，宜羌活沖和湯、參蘇飲。並見寒門。久則路感風寒，鼻塞便發，宜清金降火涼膈散。方見火門。加川芎、荊芥、白芷入門。鼻塞甚者，禦寒湯、華澄茄丸，不知香臭者，麗澤通氣湯，內有硬物者，宜南星。

飲外用華撥餅貼額門且以菖蒲皂角末綿裹塞鼻入門。○鼻艱者肺為風冷所傷津液冷滯鼻氣不宜香臭不知宜芎藭散直指。○鼻塞不聞香臭五溫肺湯溫肺湯溫衛湯通竅湯菖蒲散又一方

### 禦寒湯

治感寒鼻塞黃芪一錢蒼朮七分陳皮人參升麻各五分防風白芷佛耳艸欬冬花甘艸各三分黃連黃柏羌活各二分

### 華澄茄丸

治鼻塞不通薄荷葉三錢荊芥穗一錢半華澄茄五分右末蜜丸櫻桃大常含化綱目

### 麗澤通氣湯

治鼻不聞香臭此肺經有風熱也黃芪一錢蒼朮羌活獨活防風升麻葛根各七分甘艸炙五分麻黃川椒白芷各三分右剉作一貼入薑三片棗二枚蔥白三寸水煎服河間

### 南星飲

治風邪入腦宿冷不消鼻內結硬物窒塞腦氣不宜遂流髓澆大白天南星切片沸湯泡兩次焙乾每服二錢入大棗七枚甘艸少許同煎食後服三四服後其硬物自出腦氣流轉髓澆自

收仍以華撥餅貼額門熨斗火熨之命熱透得效

### 華撥餅

治鼻塞流濁澆華撥香附子大蒜同搗作餅紗襯貼額門上以熨斗火熨之入門

### 芎藭散

治鼻塞為艸芎藭檳榔麻黃肉桂防己木通細辛白芷菖蒲各七分水香川椒甘艸各二分半右剉作一貼入薑三片

### 溫肺湯

治鼻不聞香臭麻黃二錢黃芪升麻各一錢半防風葛根羌活甘艸炙各一錢丁香二分右麤末水二盞蔥白三根同煎至一盞食後溫服東垣

### 溫衛湯

治鼻不聞香臭目中溜火陰冷足痿當歸身一錢半黃芪蒼朮升麻知母柴胡羌活各一錢人參防風白芷黃柏澤瀉甘艸各五分陳皮青皮黃連木香各三分右剉作一貼水煎服東垣

### 通竅湯

治感風寒鼻塞聲重流涕不聞香臭防風羌活藁木升麻乾葛川芎蒼朮各一錢白芷五



分麻黃川椒細辛甘艸各三分右剉作  
一貼薑三片蔥白二莖水煎服 醫鑿

**菖蒲散** 治鼻塞不通不得息菖蒲皂角等分搗為末每用一錢綿裹塞鼻仰臥少時 綱目

**鼻不聞香臭方** 薄荷三錢細辛白芷防風羌活當歸川芎半夏苦黃陳皮赤茯苓各一錢

右剉作一貼水煎服 回春

**鼻痔** 輕為鼻瘡重為鼻痔皆肺熱也 入門○鼻痔者肺氣熱極日久凝濁結成瘰肉如棗大滯塞鼻竅甚者亦名鼻鼈防風通聖散方見風門加三稜海藻末調服外用辛夷膏塞鼻即愈 入門○瘰肉因胃中有食積熱痰流注宜以南星半夏蒼朮神麴細辛白芷甘艸酒炒芩連煎服外用瓜礬散自愈 綱目○鼻中贅肉臭不可近痛不可搖以白礬末加

硃砂少許吹其上噤之化水而消與勝溼湯方見瀉白散方見五藏此厚味壅滯濕熱蒸於肺門如兩齋之地突生芝菌也 醫鑿○鼻痔宜瓜丁散白

黃散羊

肺散

**辛夷膏** 治鼻中瘰肉窒塞疼痛辛夷二兩細辛木通水香白芷杏仁各五錢右以羊髓猪脂二兩和藥于石器內慢火熬成膏取赤黃色放冷入龍腦麝香各一錢為丸綿裹塞鼻中數日脫落即愈 御院○小兒鼻流清涕取此

貼額門上又塗鼻中 丹心

**瓜礬散** 去鼻痔瓜蒂四錢甘遂一錢枳白礬螺殼灰艸烏尖各五分右為末麻油調作丸如鼻孔

大每日一次以藥納鼻內令達痔肉上其痔化為水肉皆爛下即愈 入門

**瓜丁散** 治鼈鼻有瘰肉不聞香臭鼻中瘰肉俗謂之鼻痔瓜蒂細辛等分為末綿裹如豆許塞鼻

中即化黃水點滴至盡不三四日遂愈一名細辛散 得效

**白黃散** 治鼻鼈瘰肉鼻痔白礬雄黃細辛瓜蒂等分為末以雄犬膽汁和丸綿裹塞鼻中 丹心

羊肺散

治肺壅生瘕肉不聞香臭羊肺一具白朮四兩肉蓯蓉木通乾薑川芎各一兩右五味為

鼻瘡

鼻中生瘡乃肺熱也宜黃芩湯洗肺散四春○鼻瘡宜瀉白散加酒炒片苓梔子苦黃薄荷方見五藏○鼻瘡杏仁油和鹽塗之入門○鼻瘡黃柏苦參檳榔等分為末猪脂調和或青黛槐花杏仁研付鼻中得效○大風瘡天疱瘡皆

鼻中生瘡鼻梁塌壞並見本門

黃芩湯

治肺火盛鼻孔乾燥或生瘡腫痛片苓酒炒梔子連皮酒炒苦黃赤芍藥桑白皮麥門冬荆芥穗薄荷連翹各一錢甘州三

分右剉作一貼水煎食後服回春

洗肺散

治鼻中生瘡片苓酒炒二錢五味子天門冬麥門冬半夏杏仁各一錢甘州五分右剉作一貼入薑五片水煎食後服回春

鼻痛

鼻痛者因風邪與正氣相搏鼻道不通故為痛宜參順氣散通氣驅風湯並見風門如痰火衝肺鼻膈隱痛一陳湯方見痰飲加片

鼻齩

鼻齩者鼻之準頭紅也甚則紫黑酒客多有之因血熱入肺鬱久則血凝濁而色赤或不飲酒而紅者名曰肺風瘡亦是血熱入肺俱宜清血四物湯兼服梔子仁丸外用硫黃散入門○肺之為藏其位高其體脆性惡寒又惡熱是故好飲熱酒者始則傷于肺藏鬱熱久則見於外而為鼻齩準赤之候得熱則紅得寒則黑正傳○酒齩鼻乃熱血入肺正傳○酒齩鼻及肺風瘡以白龍丸逐日洗面常服龍虎丹半月望紫直指○酒齩宜凌霄花散參歸丸○肺風瘡宜肺風丸升麻湯清肺飲子

方

清血四物湯

治酒齩川芎當歸赤芍藥生地黃片苓酒炒紅花酒焙赤茯苓陳皮各一錢生

甘艸五分右剉作一貼入薑二片煎  
承調五靈脂末一錢食後服回春

### 梔子仁丸

治酒醱老山梔子仁為末黃蠟等分熔化  
和丸彈子大茶清嚼下忌熱物半月效得

### 硫黃散

治鼻齕生硫黃五錢杏仁二錢半輕粉一  
錢右為末酒調臨臥塗之明早洗去回春

### 白龍丸

治酒醱滿面紫黑川芎蒿本細辛白芷甘艸  
各等分右末四兩入煨石膏末一斤水丸彈

子大逐日用此藥洗面如澡  
豆法或夕塗晨洗之丹心

### 凌霄花散

治酒醱鼻不三二次可去根凌霄花山梔子  
等分為末每一錢食後茶清調下得效

### 參歸丸

治酒醱乃血熱入肺苦參四兩當歸二兩右  
末酒糊和丸梧子大熱茶清下七八十九

### 肺風丸

治酒醱風瘡及齕鮑細辛旋覆花羌活各一  
兩晚蚕蛾炙苦參各一錢右末軟飯和丸梧

子大食後茶清下  
五七十九丸東垣

### 升麻湯

治肺風瘡陳皮甘艸各一錢蒼朮乾葛苦黃  
升麻各七分赤芍藥大黃酒蒸各五分半夏

赤茯苓白芷當歸各三分枳殼乾薑各二分右  
剉作一貼入薑三片燈心一撮同煎服丹心

### 清肺飲子

治鼻紅肺風瘡薄荷一兩山茶花胡麻仁  
片芩酒炒梔子葛花苦參甘艸各七錢連

翹荊芥芍藥防風各三錢右為末  
每一錢茶清調服後用搽藥醫整

### 搽鼻去紅方

白礬水銀京墨各一錢杏仁四十九箇  
輕粉七分白楊葉十箇大風子四十九

箇五味子四十九粒核桃七箇  
右為末雞子清調搽患處醫整

### 面鼻紫黑

面為陽中之陽鼻居面之中一身之血運到  
面鼻皆為至清至精之血多酒之人酒氣熏

蒸面鼻得酒血為極熱熱血得寒污濁凝滯而不  
行故色為紫黑治宜化滯血生新血服清血四物

湯方見上氣弱者  
加酒黃芪正傳

鼻滂

詳見津液門

鼻嚏

詳見言語門

鼻色占病

靈樞曰鼻頭色青為痛色黑為勞色赤為風色黃者便難也色鮮明者有留飲也。鼻色青腹中痛苦冷者死正傳。鼻頭微白者凶血也赤者血熱也酒客多有之三四

修養法

常以手中指於鼻梁兩邊指二三十遍。常去俱熱所謂灌溉中嶽以潤於肺也。養性。鼻中毛謂神氣出入之門戶也。養性。

單方

凡十

白鹽

治酒醴和津常擦之為妙得效

白礬

治鼻中瘰肉取枯礬末和猪脂綿裹塞鼻中甚妙本州

硫黃

治鼻紅如神硫黃化開入燒酒內淬三次為末茄汁調敷三次即效種杏

雄黃

療鼻中瘰肉取棗核大塞鼻中瘰肉自落本州

輕粉

治酒醴輕粉硫黃為末和津唾擦之又輕粉硫黃乳香細辛為末唾調付之細目

細辛

除鼻臭瘰肉與瓜蒂同用為瓜丁散有入患瘰肉垂出外用此即消盡綱目

芎藭

治鼻多涕或煎或末服並佳本州

乾薑

治鼻塞為末蜜和丸塞鼻中本州

辛夷

通鼻塞為末蔥茶清點服一錢又綿裹塞鼻中本州

皂角

治鼻塞灸為末取少許吹入鼻中又食物入鼻不出以末吹鼻取嚏即出本州

百艸霜

治久患鼻瘡膿極臭細研為末以冷水調下二錢綱目

瓜蒂

去鼻中瘖肉為末綿裹塞之或和羊脂或和細辛皆佳本州

胡荽

治瘖肉痔爛塞鼻瘖肉自落丹心

犬膽

主鼻鼈及鼻中瘖肉取瓜蒂細辛末和膽汁塞鼻即效本州

狗頭骨灰

和硃砂少許搐鼻中瘖肉自化丹心歌曰狗頭灰一錢丁香半錢上細研吹鼻中

瘖肉化為水類聚

鍼灸法

鼻流清涕濁涕灸上星二七壯又取人中風府不愈又取百會風池風門大顛網目○鼻塞不聞香臭取迎香上星合谷不愈灸人中風府百勞前谷網目○鼻流臭穢取上星曲差合谷人中迎香網目○鼻中瘖肉取風池風門風府人中和香東垣○鼻涕多宜灸額會前頂迎香資生

口舌

口曰玉池

黃庭經曰玉池清水灌靈根註曰玉池者口也清水者津液也靈根者舌也

舌屬心

內經曰心在竅為舌又曰心氣通於舌心和則舌能知五味矣○舌者心之苗也人門○舌為

心之官主嘗五味以布五藏焉心之本脉繫於舌根脾之絡脉繫於舌傍肝脉循陰器絡於舌本腎之津液出於舌端分布五藏心實主之三經為四氣所中則舌卷不能言七情氣鬱則舌腫不能語至如心熱則舌破生瘡肝壅則出血如湧脾閉則白胎如雪此舌之為病也得效

唇屬脾

內經曰中央黃色入通於脾開竅於口故病在舌本又曰脾主口又曰脾在竅為口○難

經曰脾氣通於口脾和則能知五味矣○心主舌脾主唇口心脾二氣恆相通也人門○唇屬脾風則潤動寒則掀縮熱則乾裂血虛則無色氣鬱則瘡腫唇有病則隨證以治脾可也人門○六府之華在唇四白內經

脈法

左寸洪數心熱口苦右寸浮數肺熱口辛左關弦數膽虛口苦洪實則肝熱口酸右關沉實脾熱口甘洪數則口瘡或為重舌木舌脈訣○口舌生瘡脈洪疾速若見脈虛中氣不足同春

口舌主五味

心氣通於舌能知五味脾氣通於口亦能知五穀之味○口之味熱勝則苦寒勝則鹹宿食則酸煩躁則澀虛則淡疽則甘勞鬱則口臭凝滯則生瘡口之津液通乎五臟藏氣偏勝則味應乎口得效○傷胃陽虛則口中無味傷腎陰虛則口中有味入門○龍腦雞蘇丸治胃熱口臭肺熱喉腥脾熱口甜膽熱口苦肝熱口酸及胃中鬱熱等證方見血門

口酸

肝熱則口酸木乘脾口亦酸小柴胡湯方見寒門加艸龍膽青皮甚者宜當歸龍薈丸方見五藏心熱則口苦或生瘡宜涼膈散方見火門瀉心湯方見五藏肝移熱於膽則口亦苦宜小柴胡湯加麥門冬酸棗仁地骨皮遠志丹心○內經曰有病口苦者名曰膽痺此人數謀慮不決故膽虛氣

口苦

溢而口為之苦○又曰肝氣熱則膽泄口苦筋脈乾釋曰肝主謀慮膽主決斷盛汁三合膽或不決為之急怒則氣上逆膽汁上溢故口苦宜龍膽瀉肝湯主之綱目○口苦宜益膽湯正傳脾熱則口甘或臭宜瀉黃散方見五藏二黃湯入門○內經曰有病口甘者病名為何此五氣之溢名曰脾痺痺者熱也○胃熱則口甘胃虛則口淡入門

口甘

肺熱則口辛宜甘苦湯方見咽喉瀉白散方見五藏○肺熱喉腥宜服加減瀉白散

口鹹

腎熱則口鹹宜滋腎丸方見虛勞小便滋陰大補丸方見虛勞

龍膽瀉肝湯

治口苦柴胡一錢黃芩七分生甘草八分參天門冬黃連艸龍膽山梔仁麥門冬知母各五分五味子七粒右剉作一貼水煎空心服忌辛熱物綱目

益膽湯

治謀慮不決膽虛氣上溢口苦黃芩人參甘草各一錢遠志七分官桂五分苦參茯苓各

三分右剉作一  
貼水煎服河間

### 三黃湯

治脾熱口苦黃連黃芩梔子石膏芍藥苦黃  
陳皮茯苓各八分白朮甘草各三分右剉作

一貼入烏梅一  
筒水煎服回春

### 加減瀉白散

治肺熱喉腥桑白皮二錢苦黃一錢半  
地骨皮甘草各一錢黃芩麥門冬各

五分五味子十五粒知母七分右剉作一貼水煎  
服日一忌酒麪辛熱之物一人膏梁喜飲因勞

心過度肺氣有傷以致氣出腥臭  
唾稠粘口苦舌乾服此而愈寶鑿

### 口臭

口臭者胃熱也。虛火鬱熱蘊於胃中乃作口臭  
宜芎芷膏入門。口臭一證乃熱氣蘊積胃膈之

間挾熱而衝發於口也。直指。心勞味厚氣出腥  
臭宜加減瀉白散方見上。多食肉人口臭不可

近宜神功丸方見牙齒。胃熱口臭宜龍腦雞蘇  
丸方見血門。加減甘露飲升麻黃連丸。吐膿血

如肺癰狀口臭他方不應宜消風散方見風門入  
男子髮灰清米飲調下兩服可除丹心。一人病  
口臭如登廁雖親戚莫肯與對語戴人曰肺金本  
主腥金為火所乘火主臭應便如是也久則成腐  
腐者腎也此尤極則反兼水化也病在上宜涌之  
以茶調散方見吐門吐之去其七分夜以舟車丸  
方見下門下五七行

### 芎芷膏

治口臭氣熱臭川芎白芷等分為末蜜  
丸芩實大每一丸臨臥嚼和得效

### 加減甘露飲

治胃熱口臭口瘡牙宣熟地黃生地黃  
天門冬黃芩枇杷葉茵陳枳殼石斛甘

州各一兩犀角二錢右為末每一錢水煎服  
此方有犀角一味甚有道理有奇效本事

### 升麻黃連丸

治口臭穢惡人不得近黃芩酒洗二兩  
黃連一兩生薑取汁連花青皮升麻各

五錢生甘草三錢白檀香二錢右為末蒸  
餅和丸彈子大每一丸細嚼白湯下正傳

### 口糜

口糜者口瘡糜爛也。入門。○內經曰膀胱移熱於小腸，隔腸不便，上為口糜。宜移熱湯、柴胡地骨皮湯。○藏府積熱，口舌生瘡，宜局方涼膈散。方見火門。回春涼膈散亦可。○口舌生瘡，宜玉芝飲子、升麻散兼用。龍石散或碧雪糝之、鵬砂丸含化。久年口瘡，宜黑參丸。入門。○口瘡赤者，心熱，宜乳香散及天花粉末糝之。白者，肺熱，宜沒藥散、青金散及黃柏華撥為末糝之。良久以水漱。口入門。○口舌瘡，糝藥見下。可擇而用之。

### 移熱湯

治口糜、心胃壅熱、口瘡、糜爛、導赤散。方見五藏合四苓散。方見大便。各等分煎服。內經曰膀胱移熱於小腸，上為口糜。好飲酒人多有此疾。綱目。

### 柴胡地骨皮湯

治膀胱移熱、小腸上為口糜。柴胡、地骨皮各二錢，半右剉，作一貼煎服。問河。

### 回春涼膈散

治三焦火盛、口舌生瘡、連翹一錢二分。黃芩、梔子、苦蘆、黃連、薄荷、當歸、生地、黃

### 玉芝飲子

治膈熱、口舌生瘡、咽喉腫痛。甘艸炙二兩，藿香、葉石、膏、煨、梔子仁各一兩，右為末，每

### 升麻散

治心脾有熱、口舌生瘡、破裂。升麻、玄參、川芎、生地、黃麥、門冬各一錢，大黃、黃連、黃芩、甘艸各五分，右剉作一貼入薑

### 鵬砂丸

治口舌生瘡、口臭、寒水。右二兩半鵬砂五錢，馬牙硝一錢，龍腦、麝香各五分，右為末，以甘艸五錢浸汁熬膏，搜和作丸。大實。

### 黑參丸

治口舌生瘡、連年不愈。玄參、天門冬、麥門冬、右等分為末，蜜丸。鵬砂子大，每嚼化。一丸。丹心

### 虛火口瘡

口瘡服涼藥不愈者，此中焦氣不足，虛火泛上，先用理中湯。方見寒門。甚者加附子。



丹心 ○陰虛者四物湯方見血門加知母黃  
栝虛火泛上甘州乾薑為末細嚼噙之入門

### 唇腫唇瘡

宜瀉胃湯薏苡仁湯芍藥湯○唇舌焦燥口  
破生瘡蓋心脾受熱所致也水浸黃連重湯

燒而飲之若大渴少飲竹葉石膏湯方見寒門○

唇瘡久不差八月藍葉搗取汁洗不過三日差丹

心○又白荷花瓣貼之神效

如開裂出血者即止丹心

### 瀉胃湯

治胃實熱唇口乾裂煩渴便秘大黃二錢半  
葛根一錢苦黃枳殼前胡杏仁各五分右到

作一貼入生薑三

片水煎服入門

### 薏苡仁湯

治風腫在脾唇口潤動薏苡仁防己赤小  
豆炒甘州炙各一錢半右到水煎服得效

### 芍藥湯

治脾火盛口唇生瘡或多食易飢赤芍藥梔  
子黃連石膏連翹薄荷各一錢甘州五分左右

剉作一貼水

煎服回春

### 爾唇

口唇緊小不能開合飲食不得不急治則成此亦  
奇病名曰蠶唇又曰緊唇亦曰瀋唇實者瀉黃散

方見五藏瀉黃散子腫者薏苡仁湯方見上兼用

黃栢散白灰散傳之濟生○外用青皮燒灰猪脂

調搽仍將青皮灰末每一錢酒調服之入門○亂

髮露蜂房六畜毛燒灰猪脂調搽得效○又蛇蛻

皮或蟬蛻燒為灰

猪脂調傳得效

### 瀉黃散子

治風熱蘊於脾經唇燥瀋裂無色升麻白  
芷枳殼黃芩防風半夏石斛各一錢甘州

五分右剉作一貼入

薑五片煎服濟生

### 黃栢散

治唇蠶黃栢二兩以五倍子密陀僧各二錢  
甘州二分為末水調塗黃栢上炙乾再塗再

炙藥盡為度然後將栢作薄片

貼貼蠶唇上天明即愈入門

### 白灰散

治緊唇白布作燈炷如指大安芥刀上燃炷  
塗汗出拭取付唇上日二三次故青布亦佳

猪脂調付  
尤佳得效

### 舌腫

舌腫滿口氣不得吐者名曰木舌入門。木舌心脾熱壅也。入門。木舌者舌腫大漸漸腫硬滿口不急治即塞殺人也。綱目。木舌者舌腫硬不和軟也。百州霜苴稍滑石為末酒調傅之。丹心。木舌治法用紫雪一錢。方見火門。竹瀝和勻頻抹口中自消。綱目。諸般舌腫脹取龍腦破毒散。方見咽喉。半錢以指蘸藥擦舌上下。噤津下丹心。一老人舌根腫起漸至滿口勢甚凶。戴人曰血實者宜決之以銀鍼日砭八九次出血約二三盞漸覺腫消痛滅。夫舌者心之外候。心主血故血出而愈。子和。舌腫宜黃連湯清熱。如聖散琥珀犀角膏霜鹽散。

### 黃連湯

治心火舌上生瘡或舌上腫燥裂或舌光出血或舌硬黃連酒炒梔子炒生地黃酒洗麥門冬當歸酒洗赤芍藥各一錢犀角薄荷各州各五分右剉作一貼水煎食後服。同春。

### 清熱如聖散

治舌下腫如核大破出黃痰後復發者連翹一錢半惡實黃連各一錢天花粉梔子仁各七分枳殼柴胡荆芥薄荷各五分甘草三分右剉作一貼入燈心一團水煎稍冷服。同春。

### 琥珀犀角膏

治咽喉口舌生瘡菌其效如神酸棗仁伏神人參各二錢犀角琥珀朱砂各一錢龍腦一字右細末蜜丸彈子大每一丸以麥門冬煎湯化服一日用三五丸入門。

### 霜鹽散

治舌忽腫大百州霜青鹽等分為末并水調塗舌上無青鹽則白鹽亦可入門。

### 重舌

附舌根而重生小舌謂之重舌鍼刺去惡血即愈入門。舌根下生形如舌而小謂之重舌其著頰裏及上腭如刺者名曰重腭其著齒齦上如此者名曰重齦皆刺之去血可也。綱目。重舌者心脾熱盛也宜青黛散。舌腫滿口不能聲飲食不通名曰重舌蒲黃頻搽患處調竹瀝尤妙黃連煎湯頻呷之以瀉心火入門。黃栢末以竹瀝調塗又百州霜焙稍滑石末酒調傅之入門。重舌用。

如聖勝金錠方見咽喉以開關竅得效。重舌紫毒方見火門和竹瀝塗之嚥其汁綱目

### 青黛散

治重舌黃連黃柏各三錢青黛馬牙硝朱砂各六分雄黃牛黃鵬砂各三分龍腦一分右

為末先以薄荷汁拭口中以藥末搽之咽喉腫亦佳入門

### 重舌擦法

重舌極證用指去爪先於舌下筋上擦至根漸淡淡擦入如此三次又用指蘸水取項後燕窠小坑中筋自上趕下至小屈淡淡擦入亦三次小兒若飲乳勝前則病去矣得效

### 木舌

與舌腫同治

### 舌衄

詳見血門

### 舌長舌短

舌吐不收名曰陽強舌縮不能言名曰陰強醫鑿。傷寒熱病後犯房得病名曰陰陽易。舌出數寸而收仲景。傷寒熱病後舌出寸餘累日不收以片腦為末搽舌上應手而縮須用五錢

### 舌上生胎

舌者心之官法應南方火本紅而澤傷寒邪氣在表者舌即無胎及邪氣傳裏津液結搏則舌上生胎矣明理。舌上胎滑者以丹田有熱胃中有寒邪氣初傳入裏也仲景。寒變為熱則舌上之胎不滑而溫是熱耗津液而滑者已乾也若熱聚於胃則為之舌黃金匱曰舌黃者下之黃自去若舌上黑色者又為熱之極也靈樞曰熱病口乾舌黑者死心開竅於舌黑為腎色水火相刑故知必死明理。腎虛有火是為無根虛火舌色淡黑一二點用補腎降火之藥入門。舌胎用捺舌法。凡舌黑俱系危證惟冷而滑如淡墨然者乃無根之火也入門

擦舌法

舌胎白而滑生薑蘸蜜擦之或以生薑蜜水  
洗之若舌胎黃赤燥澀者取新青布裹指蘸  
冷水頻頻擦之輕者易脫重者難脫必  
須大下之津液還而胎自退矣入門

舌生芒刺

舌生芒刺結熱甚也入門○舌生紅粟芽雪  
菌互琥珀犀角膏方見上○脾熱舌胎乾澀如雪  
宜薄荷蜜水藥丸入門○舌燥澀如楊梅刺者生  
薑切片蘸蜜於舌上搽  
乏其刺立消神效東垣

薄荷蜜

治舌上生瘡或白胎乾澀如雪語話不真薄  
荷自然汁與白蜜等分調勻傅之良先以生  
薑厚片蘸蜜水搽洗後付藥三日○生薑蜜水搽  
洗後用朱砂雄黃鵬砂腦麝各少許為末傅亦良  
得效

冰蘖丸

治口舌生瘡粟黃栢薄荷鵬砂各等分龍  
腦減半右為末蜜丸彈子大噙化入門

口舌寸數

唇至齒長九分口廣一寸半齒以後至會厭  
深三寸半大容五合舌重十兩長七寸廣二  
寸半  
靈樞

失欠脫頷

凡欠伸頰車蹉跌但開不能合以酒飲令大  
醉睡中吹皂角末搐其鼻令嚏即自正  
○因欠輔車蹉不得張口一人以兩手牽其頰以  
漸推之則復入矣當疾出其指恐咬傷得效  
○輔  
車開不可合南星為末薑汁調付以帛縛合二病  
而愈去風也得效  
○頷骨脫冷患人坐定用手揉  
臉百十遍將患人口張開用兩大拇指入患人口  
內拿定牙外用兩手指將下頷往上兜即入口正  
矣醫林○治人兩欠口不能開及卒然牙關緊急  
水不能入以致不救即取鹽梅二箇取肉擦牙即  
當口開若不能合再用鹽梅肉擦兩牙  
注候開合當止卻服治風藥十三方

自醫舌頰

靈樞曰帝問人之自醫舌者何氣使然岐伯  
曰此厥逆走上脈氣皆至也少陰氣至則

舌少陽氣至則鬻頰陽明氣至則鬻唇。神聖傳氣湯方見胸肺部治咬頰咬唇咬舌舌根強硬如神東垣

口流涎 詳見津液門

口噤不開 詳見風門

視唇舌占病

脾肺病久則虛而唇白脾者肺之母母子皆虛不能相營故名曰怯肺主唇唇白而光澤者吉白如枯骨者凶錢乙。血氣虛怯為冷所乘則唇青又額黑唇青為寒錢乙。足不陰氣絕則唇反唇反者凶唇者肉之本唇反者肉先死也靈樞。舌卷而短若唇青卵縮者必死肝絕故也綱目。傷寒熱病口如魚口不能復閉而氣出多不反者凶扁鵲。病人口張者三日死扁鵲。病人唇反人中滿者死扁鵲。舌本爛熱不止者逆得效。唇口俱腫赤者是熱極也唇口俱青黑

者寒極也同春

小兒口舌病

小兒口瘡難用藥以太南星取中心龍眼大為末醋調塗兒腳心其妙綱目。白礬或吳茱萸為末醋調塗腳心亦效綱目。小兒口瘡黃柏青黛等分片腦少許為末竹瀝調付之入門。乳母泣服瀉心湯方見五藏涼膈散方見火門。小兒口瘡薄荷汁拭口內西瓜水徐徐飲之入門。巴豆肉一粒搗爛黃丹少許和捏作餅外用紙護貼眉心半刻許去之立效丹心。重舌木舌依上法治之。小兒弄舌者脾藏有微熱金舌絡微緊故時時舌出也瀉黃散方見五藏徐徐服之若大病後弄舌者凶錢乙

口舌瘡糝付藥

赴宴散

宜赴宴散兼金散黃白散綠袍散碧雪換金散龍石散乳香散沒藥散青金散治口瘡五倍子一兩黃栢蜜炙紫色滑石各五錢右為末每取半錢糝口內奇效澹寮

又方治赤白口瘡黃栢青黛密陀僧等分爲末糝  
之丹心。又方治口瘡糜痛黃連黃栢黃芩梔子  
細辛乾薑各等分爲末先以米泔漱口後糝之  
春。又方細辛黃栢煨等分爲末糝口內吐涎即  
差丹心

### 兼金散

治熱毒生口舌瘡黃連細辛等分爲末先以  
布中蘸水拭淨患處乃糝藥吐涎即愈三四

### 黃白散

治口瘡并口中疳瘡如神黃栢孩兒茶蘇白  
礬各等分爲末先以冷米湯漱口乃糝之  
春

### 綠袍散

治口瘡黃栢蜜炙一兩青黛三錢片腦  
二分右爲末糝患處吐出涎即愈 醫鑿

### 碧雪

治口舌生瘡舌強腮腫喉閉蒲黃青黛鵬砂煨  
煨甘艸各等分爲末以手指糝於口中噉津下  
得效

### 換金散

治毒熱口瘡乾薑黃連等分爲末  
糝瘡上初若不堪應手即愈 得效

### 龍石散

治口舌生瘡咽嗑腫塞寒水石三兩朱砂二  
錢半片腦二分右爲末糝患處日三五次

### 乳香散

治赤口瘡乳香沒藥各一錢白礬  
半錢銅綠少許右爲末糝之 綱目

### 沒藥散

治白口瘡乳香沒藥雄黃各一錢輕粉  
半錢巴豆霜少許右爲末糝之 綱目

### 青金散

治白口瘡急惡狀如木耳五倍子青黛各四  
錢爲末油調貼瘡上喉中瘡爛以竹管吹入  
有涎吐  
之丹心

### 口舌瘡外治法

宜菜萸散如聖散  
濯足法化毒法

### 菜萸散

治口瘡及咽痛吳茱萸地龍等分爲末米醋  
入生麴調塗足心神效 得效 ○或只用菜萸  
爲末水調付足心亦愈 得效 ○治滿口生瘡艸烏

南星各一箇生薑一塊爲末每一錢醋調貼臥時  
貼手足心  
便愈 本事

如聖散

治小兒口瘡不能吮乳，巴豆一粒或二粒去皮研爛，不去油入朱砂黃丹各少許，付紙上剝開兒額上髮，貼在額門上，如四邊起粟米泡，便用溫水洗去，藥更用菖蒲水洗之，便安如神。簡易。

濯足法

治下虛上壅，口舌生瘡，白礬二三兩為末，用熱湯化以浸足，半日即效。丹心。

酒客喉舌生瘡

詳見內傷

諸蟲入口

詳見救急

補舌斲方

治大人小兒偶含刀在口割斲舌頭已垂落而小斲用雞子白軟皮袋了舌頭用破血丹蜜調塗口根斲血卻以蜜調蠟稀稠得所敷在雞子皮上益性軟能透藥性故也常勤添敷二三日舌接住方去雞子皮只用蜜蠟勤敷七日全安。醫林。

醋頻刷斲處其血即止仍用蒲黃杏仁鵬砂少許為末蜜調成膏噙化而安入門。治舌頭被咬

去取諸瘡門治下疳瘡藥先以乳香沒藥煎水噙口中止痛後抹上藥即長全有效即黑鉛水銀寒

水石輕粉鵬砂五味方也。回春。補唇舌方用鮮蟹燒灰每二錢同乳香沒藥各二錢半塗之即生

肉如多去唇舌用川烏艸烏為末攤紙一條以涼水調合貼之即不覺疼可用刀取如流血以陳石

灰塗之即止愈後舌硬用白雞冠血點之即軟。醫鑿。

破血丹

天花粉三兩赤芍藥二兩薑黃白芷各一兩右為末每用少許乾糝或蜜調塗之。醫林。

單方

凡三十一種

白礬

治口瘡熱水半碗入白礬一撮待溫漱。口瘡數次愈。種杏。生白礬為末付之亦效。丹心。

膽礬

治口瘡取礬火煨為末付瘡上吐涎便差。本。膽礬一塊百沸湯泡開含漱即差。綱目。

百艸霜

舌卒腫如猪胞狀滿口不治即灰以霜細研醋調塗之立差丹心○治舌忽然腫破金底

井華水

治口臭正朝取水含口吐置廁下數度即差本艸

鵬砂

治舌腫脹出口鵬砂為末生薑片蘸藥搽腫處即退綱目○口臭鵬砂焙焙含口中以南星為

馬牙硝

治重舌取硝為末付舌下日三本艸

升麻

治口臭瘡及口氣疳蠶濃煎湯入鹽頻頻含漱本艸

細辛

治口臭及置齒腫痛煮取濃汁熱含冷吐即差本艸

黃連

治口臭生瘡以好酒煮黃連取汁呷下立愈丹心

蒲黃

治重舌及舌生瘡微炒糝之即差本艸○舌腫大滿口臭蒲黃頻糝舌上且呷黃連湯為心火

益智

治心氣不足口臭益智去殼加甘艸為末乾煎下或沸湯點服得效

茴香

除口臭臭取苗莖煮作羹飲及生食並得本艸

射干

療老血在心脾間咳唾言謬氣臭取根煮湯飲之本艸

香薷

治口臭甚捷丁香不及香薷煮取汁或飲或漱為妙丹心

五倍子

治口瘡為末糝之便可飲食本艸○口瘡糜痛五倍子一兩蜜炙黃柏滑石各五錢銅綠二錢麝香二分半為末糝之極效正傳○治緊唇五倍子訶子肉等分為末付貼唇上立效丹心

薔薇根

治口臭生瘡爛久不差濃煎汁稍稍含漱温含冷吐即效冬取根夏取莖葉用本艸



白楊樹枝

治口瘡取枝漿水煎和鹽含漱本州

檳榔

治口吻生瘡白爛者燒灰入輕粉少許乾糝之得效

黃柏

治口瘡如神蜜炒為細末塗之湯液○黃柏醋漬含之亦愈本州○心脾熱舌頰生瘡蜜炙黃

栢與青黛為末糝之差本州

苦竹葉及瀝

治口瘡煎葉湯漱取瀝塗之本州

蜜

療唇口瘡常含之本州

螻蛄

治口瘡以好墨研螻蛄細付之立效蓋螻蛄走小腸膀胱其效甚速綱目

蛇蛻

治緊唇及重唇重齙燒為末先吹後付本州

白梅

治口臭常含之可以香口本州

柚子

治飲酒人口臭可啖之又煎湯飲本州

甜瓜

主口臭甜瓜子作末蜜丸櫻桃大每朝淨漱含化一丸口瘡燕瓜中汁本州

西瓜

治口瘡取瓜中漿徐徐飲之冬月則取皮燒灰嚼之丹心

人乳汁

老人患口瘡不能食飲人熱乳甚良本州

亂髮灰

治口臭不可近亂髮灰一錢井花水調下空心醫說○舌腫亂髮灰水調下綱目

牛乳

主小兒口瘡爛取乳常常含燕又治舌腫吮之差本州

葶麻子

治舌腫脹出口取油蘸紙燃燒烟熏之即愈綱目

紫蘇葉

治飛絲入口舌間生泡取葉細嚼白湯送下立效丹心

鍼灸法

口瘡取承漿合谷人中長強又取金津玉液各出血綱目○又取委中瀉後谿此二穴乃心火

腎水二經之表綱目。○膽俞小腸俞各灸七壯，又刺太衝勞宮東垣。○舌腫難言取廉泉金津玉液各以三稜出血，又取天突少商然谷風府綱目。○舌卷取液門二間綱目。○舌縱涎下取陰谷綱目。○舌急取瘰門舌緩取風府資生。○凡舌腫脹甚先刺舌尖或舌上或舌傍出血，惟舌下廉泉穴禁鍼回春。○緊唇不能開合灸手虎口男左女右又灸承漿三壯得效。○凡舌腫舌下必有禁虫狀如蟻蝨臥蚕有頭有尾頭少白可燒鐵烙烙頭上即消三四。○舌腫如猪胞以鍼刺舌下兩傍大脉血出即消切勿刺中央脉血不止則死若誤刺以銅筋火燒烙之或醋調百州霜塗之須臾自消此患人多不識失治則死得效。

### 牙齒

### 齒者骨之餘

齒者骨之餘腎主營養呼吸之門戶也得效。○齒者骨之所終髓之所養腎實主之

故經云腎衰則齒豁精盛則齒堅虛熱則齒動直指。○牙齒骨屬腎之標也入門。

### 上下齟屬手足陽明

牙齒是手足陽明脉之所過上下齟也止而不動下齟嚼物動而不休也。○手足陽明大腸之脉所貫絡也東垣。

### 齒病惡寒惡熱

靈樞曰胃惡熱而喜清冷大腸惡清冷而喜熱。○足陽明胃絡脉入齒上縫其病喜寒飲而惡熱飲手陽明大腸絡脉入齒下縫其病喜熱飲而惡寒飲入門。○熱牙痛怕冷水冷牙疼怕熱水不怕冷熱乃風牙痛入門。○胃有實熱上齒痛尤甚宜涼膈散方見火門。○大黃酒蒸為君加知母石膏升麻為佐煎水頻頻含漱即愈東垣。○上片牙痛亦屬足少陰腎經虛熱宜細辛湯下片牙痛屬手陽明虛熱有風宜白芷湯醫。○微惡寒飲大惡熱飲宜立效散東垣。

### 細辛湯

細辛一錢半蔓荊子鼠粘子各一錢升麻黃連防己各七分黃柏知母並酒炒各五分薄

荷二分華按一分右剉  
作一貼水煎服醫鑿

### 白芷湯

防風荆芥連翹白芷薄荷赤芍藥石  
膏各一錢右剉作一貼水煎服醫鑿

### 立效散

治牙齒痛不可忍微惡寒飲大惡熱飲神龍  
膽酒洗三錢防風一錢升麻七分甘柳炙五  
分細辛三分右剉作一貼水煎去滓以匙抄在口  
中滌痛處少頃即止如多惡熱飲加龍膽一錢東垣

### 牙齒盛衰

內經曰女子七歲腎氣盛齒更髮長三七腎  
氣平均故真牙生而長極丈夫八歲腎氣實  
髮長齒更三八腎氣平均故真牙生而長極五八  
腎氣衰髮墮齒枯八八則齒髮去去謂落也○兒  
生八月板齒始生真牙謂牙  
床窮處最後生者也類聚

### 牙齒異名

口前兩犬齒謂之板齒其兩傍長者謂之牙  
通謂之齒其牙齒之根謂之齦亦曰牙床類聚  
右關脈洪數或弦而洪腸胃中有風熱牙痛尺脈  
洪大而虛者腎虛主齒動踈豁相火上炎而痛醫

### 牙齒痛有七

鑿○齒痛腎虛尺濡而大尺炎尺洪踈搖豁壞  
右寸關數或洪而弦此屬腸胃風熱多遊同春  
牙齒之痛因胃中溼熱上出於牙齦之間  
適被風寒或飲冷所鬱則溼熱不得外達  
故作痛也寒是標故外用辛溫擦漱之藥熱是本  
故內服辛涼散熱之劑丹心○通用擦牙方謝傳  
笑去散方見下○手陽明之支脈入齒壅則齒浮  
虛則宜露挾風則上攻頭面疳墮則變成齩脫直  
指○齒病有開口呬風則痛甚者胃中有風邪也  
有開口則鼻穢不可近者腸胃中有積熱也有齒  
根腫而痛者胃熱也有痛而動搖者腎元虛也有  
乳而痛者虫蝕也醫鑿○呬風痛甚開口鼻穢俱  
宜當歸連翹飲同春○寒者堅牢而痛熱甚則齒  
動齒齩祖脫作痛不已東垣○得清涼痛甚者為  
寒下吸涼風痛止者為熱綱目○齒痛  
有風熱風冷熱痛寒痛毒痰瘀血虫蝕

### 風熱痛

風熱者外風與內熱相搏齒齩腫痛膿汁鼻穢  
宜犀角升麻湯方見百門兼以荊芥湯含漱門入

風冷痛

風冷者齒齲不腫不蛀日漸動搖宜溫風散兼以開笑散含漱入門

熱痛

熱痛者腸胃積熱齒齲腫爛口氣臭穢宜涼痛散方見火門加知母石膏升麻為佐酒蒸大黃為君

陰嚙即愈東垣如溼熱被風冷鬱而作痛宜常歸龍膽散入門久年齒痛黑爛脫落必吸涼稍止乃膏梁溼熱之火調胃承氣湯方見寒門加黃連下之入門

胃熱齒痛喜冷惡熱宜清胃散瀉胃湯滋陰清胃丸一婦人齒痛極苦須騎馬外行吸涼風則痛止至家則痛復作此陽明溼熱之盛調胃承氣湯加黃連下三五行外用鹹鬼散擦

牙即愈東垣酒客牙疼以冷水頻含漱入門

客寒犯腦頭連齒痛宜羌活附子湯方見頭部痛稍散細辛散冷證齒痛宜香椒散方見下寒

寒痛

熱皆痛者為寒熱痛宜當歸龍膽散東垣此證與厥逆頭痛同當參看

毒痰痛

熱則生痰毒氣上攻灌注經絡最能發痛外證痰盛咳唾直指

瘀血痛

積殼庄薑大棗烏梅煎服仍以薑黃華殺等分煎湯候溫以舌浸湯內涎自流出效直指

風熱挾攻齲間令血出瘀滯不消掣痛鑽刺宜犀角地黃湯方見血門或加減甘露飲方見上加升麻入門

取五靈脂醋煎汁含嚙即效得效氣湯方見寒門細末蜜丸梧子大服之好飲過多者多得此疾屢服有效海藏

蟲蝕痛

凡人飲食不能繫齒腐臭之氣淹漬日久齒齲有孔虫蝕其間蝕一齒盡又度其餘至如疳匿皆其種類必殺虫而後痛止直指

齒病變成骨槽風出血骨露者宜玉池散入門齲者齒蠹也謂齒虫蝕而痛也本事虫痛宜一笑散椒鹽散蜂窩散定痛散兼用取牙虫法

當歸連翹飲

治齒痛呿風痛甚開口臭穢當歸生地黃川芎連翹防風荊芥白芷羌活黃芩

梔子枳殼甘艸各七分細辛三分右剉作一貼水煎服不拘時同春

溫風散

治風冷齒痛當歸川芎細辛白芷華撥蒙本  
露蜂房各一錢右剉水煎服仍含漱吐之

清胃散

治胃熱上下齒痛不可忍牽引頭腦滿面發  
熱其痛喜冷惡熱升麻二錢牡丹皮一錢半

當歸生地黄黃連各一錢右  
剉作一貼水煎微冷服

瀉胃湯

治牙痛如神此胃熱也當歸川芎赤芍藥生  
地黃黃連牡丹皮梔子防風荆芥薄荷甘

各一錢右剉作一  
貼水煎服

滋陰清胃丸

治陽明經血熱上下牙床腫痛紅爛肉  
縮齒根露者石膏煨醋淬二兩當歸酒

洗生地黄酒洗梔子鹽水炒牡丹皮各一兩黃連  
酒炒知母葛根防風各七錢升麻白芷各五錢生  
甘州節四錢右為末蒸餅和  
丸棗豆大米飲下百丸

定痛散

治虫牙痛甚當歸生地黄細辛乾薑白芷連  
翹苦參黃連川椒苦黃烏梅甘州各一錢右

剉作一貼水煎服  
漱後嚥下同春

牙齒動搖

齒齲宜露動搖者腎元虛也宜八味丸  
滋陰補腎入門○牙齒宜露動搖宜白

牙散香鹽散漱擦方見下  
丹方見虛勞獨活散○固齒羊腔骨灰二錢當歸  
白芷猪牙皂角青鹽各  
一錢為末擦牙上得效

獨活散

治陽明風熱攻注齒齲宜露動痛獨活羌活  
川芎防風各一錢六分生地黄荊芥薄荷各

一錢細辛七分右剉  
作一貼水煎服丹心

牙齒脫落

牙床腫痛動搖黑爛脫落宜清胃湯神功  
丸羌活散兼用固齒散玉池散二方見下

清胃湯

治牙床腫痛動搖黑爛脫落皆屬手足陽明  
二經石膏末二匙梔子炒連翹牡丹皮條芩

各一錢生地黄酒洗黃連炒各八分升麻白芍藥  
煨苦黃各七分葶香五分甘州三分右剉作一貼

水煎食遠服回春

### 神功丸

治多食肉人口臭不可近牙齒痛蝕脫落升

麻一錢半蘭香葉當歸身藿香木香各一錢黃連縮砂各五分生地黃酒洗甘艸庄各三分

### 羌活散

治風寒溼犯腦痛牙齒齲動搖祖脫柴胡五

錢麻黃防風各三錢羊脛骨灰二錢羌活一錢半艸豆蔻一錢當歸身六分蒼朮升麻各五分蒙本白芷桂枝各三分細辛少許右為末溫水漱戶淨擦之其痛立止東垣

### 塞耳鼻止牙痛方

宜用雄黃定痛膏殺虫丸塞

### 雄黃定痛膏

治牙痛大蒜二枚細辛煇硝各三錢雄黃一錢猪牙皂角四錠右為末蒜膏熨

為丸梧子大每一丸將綿子裹藥左邊牙疼放右耳中右邊塞右耳良久痛止神效綱目

### 殺虫丸

治虫牙痛好砒礪不拘多少量加黃丹少許以黃蠟熔成一塊旋用旋丸如黃豆大用白

綿包裹留尾如右牙疼則塞右耳左牙疼則塞左耳兩邊疼則塞兩耳必淡入耳孔一夜其虫即死永不復疼矣醫鑿

### 塞耳藥

治牙疼取壁錢包胡椒末如左邊痛塞右耳右痛塞左耳手掩枕之側臥少頃額上微汗

即愈醫鑿

### 哭來笑去散

治牙齒痛神效雄黃乳香胡椒麝香華

男左女右鼻中立止如牙痛臉腫用紙捲藥末在內作條蘸香油點着燎牙痛處條燒盡痛即止醫鑿

### 治牙疼方

雄黃沒藥各一錢細辛半錢右為末若左邊疼用少許搽入左鼻又吹入右耳若右

邊疼搽右鼻又吹入左耳得效

出牙蟲殺蟲法

治蛀牙小瓦片上置油拌非子燒烟關  
在水枕上恰用漏斗覆之以蛀牙受漏  
斗口中烟其牙內虫如鍼者皆落水枕中累效  
目。治中牙痛非菜頭連根洗淨搗爛同人家擗  
板上泥和勻捺痛處腮上用紙貼之。一時頃取出  
細細虫在泥上出可以絕根得效。治積年虫齒  
雀麥州以苦瓠葉三十枚洗露一宿平朝取叶屈  
長二寸廣一寸厚五分以瓠葉裹縛作裹子取醋  
浸之。至日中取兩裹炮令極熱貼口內齒外燻之  
冷則易取銅器盛水解裹洗之得虫多至三四十  
少則一二二十枚老者黃赤色少者白色。千金。又  
方葭若子三合盛瓶內將青銅錢十文燒令赤投  
瓶中候葭若子作聲有烟出以筆管引烟氣熏於  
痛齒虫出痛即止無葭若則用蔥子非子亦可出  
虫。千金

非子丸

治虫牙痛非子全蝎各一兩乳香雄黃各二錢半右為末燈黃蠟和丸彈子大磁瓶內燒

一丸以紙蓋口以筆管引烟熏牙孔其中虫盡  
出將藥瓶安於水中其中虫撲在大中。千金

一笑散

治虫牙疼不可忍神效川椒為末巴豆一粒  
研成膏和飯作丸綿裹安於蛀孔內即愈。仙

牙齒疳瘻瘡

宜血竭散神功丸。方見麝香散玉池散。方  
見下。治牙疳瘻藥。天庖瘻後牙疳詳見瘻  
類。

血竭散

治牙疳惡瘻久不差蒲黃二錢龍骨枯白礬  
各一錢寒水石煨四錢血竭五分右為末取  
少許糝瘻上以  
紙封貼丹心

麝香散

治疳疔牙齦臭爛出膿水枯白礬青黛胡黃  
連蘆薈各二錢半蟬蝦灰半錢麝香一分半  
右為末每半錢糝付患處加  
胡桐淚二錢半尤妙。直指

治牙疳藥

信砒青黛輕粉各一錢麝香五分右為末  
香油攤紙上用木槌槌實收起臨臥以藥

水漱淨，嚼滄口，大小以藥紙封之，至  
曉去藥紙，漱淨，勿噤，二次必效，東垣

### 齒黃黑

牙齒黃黑，不瑩淨，石膏細末，砂鍋細末，各二兩，  
零陵白芷，青鹽，升麻，各二錢，半細辛，一錢，麝香，  
半錢，右為細末，每早晨取少許，擦齒，  
上溫水漱，口吐出名白牙藥，丹心

### 消齒壅法

齦間努肉漸長，此乃齒壅，取生地黃汁一鍾，  
皂角數片，火上炙熱，淬地黃汁內，再炙，又淬，  
以汁盡為度，晒為末，傅之，即縮，入門。一婦人平  
日好食動風物，尤嗜蟹，一日齒間壅，出肉，漸大，不  
能開口，有道人傳此方，即愈，  
或朴硝為末，付之，亦消，集驗

### 牙齒漸長

牙齒逐日漸長，開口難為飲食，益髓液溢，所  
致，只服白水，末和水服，乃煮水灌漱，自愈，得  
牙齒被傷，打欲落，點椒五錢，天靈蓋，紅內消白芷，  
各二錢，右為末，齒動，糝上，即安，或已落，有血絲末，  
斷者，亦可糝藥，齒齦間，闔之，入門。治打傷搖動，  
牙齒，蒺藜根，燒灰，貼動牙，即牢，名蒺藜散，瑞竹

### 闔齒

### 齒血

詳見血門

### 齧齒

凡人睡中，上下齒相磨，切有聲，謂之齧齒，亦曰長  
齒，亦曰咬齒，治法，取患人臥，席下塵，一捻，納口中，  
勿令知，即差類聚。傷寒熱病，  
咬齒及小兒咬牙，並見各門

### 去痛齒不犯手方

取疼牙，落不犯手，川椒細辛各一兩，  
州烏華，檢各五錢，右為細末，每少許，  
指痛齒，自落，本事。取蛀牙，法，鵬砂，朱砂，各一錢，  
礪砂，二錢，川烏，火七箇，附子，火十四箇，蟾酥，七箇，  
信砒，二錢，右五月五日合為末，取少許，指牙上，牙  
落後，以防風，荊芥，甘州，煎湯，漱吐，本事。落牙方，  
馬肉，剉十兩，信砒，巴豆肉，各五錢，為末，右拌勻，用  
石器盛，候出虫，焙乾，研末，於牙疼處，出些血，點上，  
隨落，妙綱目。取牙方，龍肝，乃墓中，陳石灰，也，鴈  
膽，一箇，收龍肝，納膽內，陰乾，為末，用時，安些少，點  
牙根上，即落，切忌  
墜入口中，種杏



落齒重生方

雷公曰長齒生牙賴雄鼠之骨末牙齒若折年多不生取雄鼠脊骨作末指折處齒立生如故本州○牙落重生方雄鼠一節取骨法取鼠剥去皮用礪砂擦上二三日肉爛化盡取骨末焙乾用香附子一兩白芷川芎桑白皮地骨皮蒲公英川椒旱蓮州青鹽川槿皮各三錢右為細末擦百日其牙復生良驗醫鑿○又方取未開眼嫩老鼠三四箇外用白芨白芷青鹽細辛當歸熟地黃各五錢先將五味研為末入地黃搗爛如泥和勻作一餅包老鼠在內外用溼紙包裹文武火燒盡烟絕取出研為末擦上即生牙醫鑿○又方雄雞糞雌雞糞各十四顆右焙乾研末入麝香少許先於齒不生處以鍼刺令血出糝藥老人二十日少者十日當出不拘傷損及自落者皆生○烏雞雄雌糞各畜收之舊麻鞋底三物燒存性為末入麝糝之一月生齒名雄雌散千金

食酸齒齲

人多食酸則齒軟謂其水止木水氣弱木盛故如是本州○齒齲細嚼胡桃肉解之本州

齒病塗擦方

齒痛宜謝傳笑去散香椒散馱鬼散蝎梢散散細辛散當歸龍膽散擦牙方擦牙止痛

方腎虛胃熱牙疼方固齒散

謝傳笑去散

治牙齒痛乳香沒藥雄黃胡椒兩頭火鳥藥右等分為末擦患處吐即愈

固齒散

大鼠一箇去肉取骨川椒炒乳香各二兩香附子砂白茯苓炒青鹽各一兩右為末每月

擦牙永無齒病回春

香椒散

治冷證齒痛香附子川椒破故紙各二錢藥擦一錢右為末入炒鹽二錢擦牙上得效

馱鬼散

治胃熱齒痛黃連胡桐淚荊芥穗薄荷升麻羊腔骨灰等分麝香少許為末擦之神妙

蝎梢散

治大寒犯腦牙痛羊腔骨灰二錢半麻黃一錢半州豆蔻皮一錢羌活五分桂枝升麻防

風藁本黃芪各三分白芷當歸身柴胡各二分全蝎梢少許右為末擦牙上東垣

細辛散

治大寒犯腦頭連齒痛麻黃三錢桂枝羊脛骨灰各二錢半羌活州豆薏各一錢半當歸四分藁本蒼朮各二分防風柴胡升麻白芷各二分細辛一分右為末先以溫水漱口以藥搽之東垣

當歸龍膽散

治寒熱齒痛升麻麻黃州龍膽黃連州骨灰各五分右為末擦之東垣

擦牙方

凡牙齒痛必用胡椒華撥能散其中浮熱監以升麻寒水石佐以辛涼薄荷荊芥細辛之類牙痛用清涼藥便痛甚者宜從治之華撥細辛川椒荊芥薄荷樟腦青鹽為末擦之心〇又方荊芥薄荷細辛胡桐淚等分麝香少許為末擦牙熱加馬牙硝冷加川椒入門

擦牙止痛方

黃蠶蜂窠一箇以川椒填滿其竅更以白鹽一錢封口燒存性入白芷羊脛骨灰各一錢同研為末先以茶清漱口乃擦之有孔則以藥塞其孔立愈正傳

腎虛胃熱牙疼方

羊脛骨灰四兩石膏五兩升麻生地黃各五錢黃連一錢胡桐淚三錢龍膽州半錢石為末擦牙以水漱去入門

齒病含漱方

五用玉池散荊芥湯開笑散椒鹽散蜂窩散牙疼醫漱藥

玉池散

治風虫牙痛動搖潰爛或變成骨槽風出膿歸槐花藁本甘州各一錢右剉作一貼入生薑二片黑豆百粒煎熱漱冷吐丹心

荊芥湯

治風熱齒痛荊芥薄荷升麻細辛各二三錢右為末每二錢沸湯點含漱吐之直指

開笑散

治風冷齒痛白芷細辛良薑華撥川椒香附子露蜂房各等分右為末每二三錢水煎含漱或擦之 直指

椒鹽散

治虫牙痛川椒白鹽露蜂房各一錢右剉入葱白二三莖煎水熱漱冷吐直指

東醫寶鑑外科篇二

四十一

六十七

蜂窩散

治風牙虫牙痛不可忍露蜂房白蔘蘇川椒  
艾葉蔥根荊芥細辛白芷各一錢右剉水醋

同煎熱漱  
冷吐回春

牙疼噙漱藥

蜂房一箇每一孔內納胡椒川椒各一  
粒用碗盛之入水令滿加黃柏如指大  
三片於內以碟蓋住用紙封固重湯煮一  
炷香盡取出候溫噙漱良久吐之醫監

修養固齒法

百物養生莫先口齒不漱不洗損齒之媒  
凡暑毒酒毒常伏於口齒之間莫若時時  
洗漱之為愈也長與洗畢灌漱一吐掌中就  
掌滌眼自覺光明終身行之可為妙法直指  
○齒  
五朝暮叩以會神一云以集身神若卒遇凶惡當  
叩左齒三十六名曰打天鍾若辟邪穢叩右齒名  
曰提天磬若存念至真叩中央齒名曰鳴天鼓養  
性○凡人患齒不能食果菜者皆齒露也為鹽湯  
含漱叩齒神效類聚○每晨起以一捻鹽納口中  
以溫水含措齒及叩齒百遍為之不絕不過五日

齒即牢密千金○凡飲食訖輒以濃茶漱口煩膩  
既去而脾胃不知凡肉之在齒得茶漱滌不覺脫  
去而不煩挑剔也蓋齒性便苦緣此漸堅牢而齒  
蠹且自去矣延壽○食畢漱口數過齒不蠹養生  
家晨興叩齒永無齒疾延壽○附齒有黃黑色物  
似爛骨之狀者名為齒淋治齒者先看有此物即  
用指刀掠去之否則齒不著齦也千金○一人中  
年得風疾上下齒常磨切相叩甚有聲響緣此得  
壽一百二十  
十歲抱朴

齒病禁忌

齒病勿食油及乾棗千金○患齒者忌脂麻  
油乾棗及桂心若犯之即重發千金○凡人  
好患齒病多由月蝕夜飲食之所致也  
所以日月蝕未平時特忌飲食千金

視齒色占病

病人唇腫齒焦者死脾腎絕也扁鵲○病  
人齒忽變黑者十三日死少陰絕也扁鵲  
○病人陰陽俱竭其齒  
如熟小豆者死扁鵲

單方 凡二十七種

有如神散

**白礬** 治牙齒腫痛枯白礬露蜂房等分為末  
每二錢水煎熱蒸痛處冷吐之 本州

**雄黃** 殺齒虫取為末和棗  
肉作丸塞蛀孔 本州

**膽礬** 治中牙痛 齒痛落盡膽礬末和入乳汁擦病  
齒上及孔中 日三痛止齒復生百日如故 本州

**白鹽** 治齒根宜露動搖以鹽末擦之熱湯含漱百遍  
不過五日齒即牢固 本州 齒齲鹽湯漱即止  
本州 百荷鹽末

擦牙固齒尤良

**青鹽** 入腎入骨能固齒擦噲並佳 得效 治一切牙  
疼青鹽二兩白鹽四兩用川椒四兩煎汁拌炒  
鹽為末擦牙上仍用溫水

含漱吐之洗眼尤妙入門

**升麻** 治口齒風腫痛牙根浮爛出  
膿血煎湯服之仍填合漱 本州

**白蒺藜** 治風牙痛及疳蝕為末二錢入鹽一匙  
水煎帶熱含漱大能止痛固齒 入門

**骨碎補** 治牙齒痛動搖血出取二兩剉炒令黑色為  
末鹽漱後搗齒根良久吐之 綱目 骨碎補

銅刀切片銅鍋炒以槐枝攪至微黑色住火停冷  
又炒至老黑色研為末無時擦牙極能堅骨固齒  
痛不復作如牙動搖將落頻頻  
用之立住再不復動搖 醫鑿

**細辛** 治風冷齒痛又治蛀牙痛  
細辛白芷煎湯含漱 綱目

**苦參** 治齲齒痛煎湯日漱三升五  
六日愈仍灸列缺穴 漢史

**天仙子** 即葭蓉子也主齒痛出虫 本州 虫牙痛天仙子燒烟以  
竹筒抵牙引烟熏之  
其虫即死永差 綱目

竹筒抵牙引烟熏之

**巴豆** 治牙疼巴豆一粒煨熟去殼大蒜一瓣剉其中  
安巴豆合定綿裹隨患處塞左右耳中 本州

○中牙痛巴豆肉一粒川椒末一錢右末飯丸麻子大繩裹塞孔中直指○治虫牙痛巴豆肉一枚香油燈上燒過填入孔中綱目

胡桐淚

治風疖蠶齒牙疼痛骨槽風勞為末擦之本州○治口齒為最要之物本州○寒牙痛勿用綱目

川椒

堅齒髮除齒痛本州○齒痛醋煎含漱吐之本州○凡齒痛惟藉川椒麻痺熱痛勿用直指○牙齒痛川椒露蜂房等分為末每二錢入鹽一匙水煎含漱吐之名如神散局方

郁李根

治齒痛堅齒本州○齒齲腫痛郁李根白皮切水煎濃汁含漱冷即易吐出虫即愈本州

白楊樹皮

治牙痛醋煎含漱吐之本州○齒痛白楊樹皮或葉煎湯含漱吐之類聚

露蜂房

治牙齒痛煎湯含漱本州○虫痛有孔蜂房細辛煎湯含漱本州

啄木鳥

新木愈齲淮南○蛀牙有孔痛啄木鳥舌尖綿裹當痛處咬之立差本州○牙齒疳蠶啄木鳥燒為末納孔中不過三四度差本州

蟾酥

虫牙痛取少許入孔中延出吐之勿曬本州○牙齒痛蟾酥用銀珠摻和為丸如蘿蔔子大搽上患處便不疼至三九吐濃涎數口便愈綱目

蜘蛛

治牙疳鼻蜘蛛殼為末入胭脂麝香付之直指○又大蜘蛛燒為末入麝香付之直指

杏仁

牙齲痛杏仁百枚鹽一錢水一升煮令沫出含漱吐之三四度差本州○杏仁燒研如泥綿裹納蠶齒孔中能殺虫本州○風虫牙痛鍼刺杏仁清油燈上烟熏乘熱搭病齒上連用七箇永絕不痛得效

絲瓜

蛀牙痛先以温米醋含漱出虫又以絲瓜燒存性為末擦之綱目○風虫牙痛霜殺老絲瓜燒

存性為末擦痛處立止得效

### 雄雀屎

主齩齒取屎綿裹塞孔內日一易本州

### 鹿茸

能生齒固齒令不老未服丸服皆佳本州

### 羊脛骨灰

能堅齒治骨虛齒搖動常擦之妙入門。牙齒疎豁須用之丹心

### 牛齒

固牙齒取殺牛齒二十枚火煨為末取一錢水煎熱漱冷吐且以末擦之搖動者皆堅牢本州

### 馬夜眼

治風虫牙痛馬夜眼以刀刮起如米大投孔中或咬在痛處瀝出涎勿嚥即差斷根得效

### 鍼灸法

靈樞曰齒痛不惡清飲取足陽明上齒痛亦如之齒痛惡清飲取手陽明下齒痛亦如之。手陽明有入口偏齒者名曰大迎下齒齩取之足太陽有入口偏齒者名曰角孫上齒齩取之得效。手陽明之別名曰偏歷主齒寒痛宜取此內經。牙痛牙槽取太谿灸之治上牙齒痛一問灸之治

下牙痛委中鍼之又足內踝兩火灸之治上牙痛龍玄在列缺上青脉中灸之治下牙痛承漿風府合谷內庭治上牙痛。綱目。齒痛灸列缺七壯承漿不疼又灸肩髃七壯又灸耳垂下牙盡骨上三壯得效。齒痛以線量手中指至掌後橫紋折為四分去三分將一分於橫紋後臂中灸三壯隨左右得效。牙疼屈手大指本節後陷中灸三壯初灸覺牙疼再灸覺牙有聲三灸疼止永不復作恐是陽谿穴也左疼灸右右疼灸左。賁生。牙疼百藥不效灸兩耳當三壯立止。回春。口齒蝕生瘡灸承漿。正傳。

### 咽喉

### 咽與喉各異

靈樞曰咽喉者水穀之道也喉嚨者氣之者音聲之關也。內經曰喉主天氣咽主地氣又日地氣通於隘。註曰隘謂咽喉下接連膈中肺兩

葉之間也。嗑，即咽之低處也。咽，即嗑之高處也。○  
喉者，候也。咽者，嚥也。咽接三腕，以通胃，故以之嚥  
物。喉通五藏，以系肺，故以之候。氣氣喉，穀咽，皎然  
明白，得效。○咽者，胃之系，喉者，肺氣之所通。咽以  
嚥物，喉以候氣，理一而分殊也。直  
指。○咽者，嚥物之門戶也。細目

### 咽喉會厭與舌其用不同

咽與喉會厭與舌，此四者同  
在，一門而其用各異。喉以納  
氣，故喉氣通於天，咽以納食，故咽氣通於地。會厭  
管乎其上，以司開闔，掩其喉，則其食下不掩之，則  
其喉錯必舌抵上齶，則會厭能開其喉矣。四  
者交相為用，關一則飲食廢而疾矣。子和

### 咽喉度數

靈樞曰：咽門重十兩，廣二寸半，至胃長一尺。  
六寸。○喉嚥重十二兩，廣二寸，長一尺二寸。

### 脉法

○咽喉之脉，兩寸洪溢上盛，下虛脉忌微伏。同春  
級人之喉嚥管有十二節，養性  
兩寸脉浮洪而溢者，喉痺也。脉微而伏者，死。正傳

### 咽喉之病皆屬火

內經曰：一陰一陽結謂之喉痺。

註曰：一陰謂心主之脉，一陽謂  
喉痺。○一陰肝與心包，一陽膽與三焦。四經皆有

相火。火者，痰之本，痰者，火之標也。入門。○少陰君  
火少，陽相火二脉並絡咽喉，君火勢緩則熱結而  
為疼，為腫，相火勢速則腫甚，不仁，而為痺，痺甚不  
通而痰塞，以入門。○咽喉之疾皆屬火熱，雖  
有數種之名，輕重之異，乃火之微甚故也。微而輕  
者，可以緩治，甚而急者，惟用砭刺出血最為上策。  
正傳

### 咽喉病名

咽喉之病有單乳蛾、雙乳蛾、單喉閉、雙喉閉、  
纏喉、喉風、急喉、喉癰、喉疔、喉疔、喉疔、喉疔、  
鯁咽、痛咽、瘡咽。○咽喉懸雍、關要、所係病不  
急、瘵、皆能殺入，直指。○咽喉病十八種，皆後世強名，故不  
錄。

單乳蛾雙乳蛾喉痺

會厭之兩傍腫者俗謂之雙乳蛾

乳蛾難治古方通謂之喉痺皆相火之所衝逆耳

正傳○皆因熱氣上行搏於喉之兩傍近外腫作

以其形似乳蛾一為單二為雙醫鑿○單蛾風者

其形圓如小筋頭大生於咽喉關上或左或右關

下難治雙蛾風者有兩枚在喉關兩邊亦圓如小

筋頭大關下難治得效○其乳蛾之差小者名曰

喉閉醫鑿○喉痺多是痰熱丹心○纏喉風喉閉

之證皆由膈間素有痰涎或因酒色七情不節而

作火動痰上壅塞咽喉所以內外腫痛水漿不入

可謂危且急矣丹心○喉痺者謂喉中呼吸不通

言語不出而天氣閉塞也綱目○宜用如聖勝金

錠解毒雄黃丸牛黃涼膈丸七寶散膽礬散雞內

金散備急丹龍腦膏青龍膽吹喉散

實火宜清涼散虛火加味四物湯

如聖勝金錠治咽喉急閉并單蛾雙蛾結喉重舌木

舌等證疏黃川芎臘茶薄荷川烏硝石

生地黃各等分為末生蔥汁和勻一兩分作一錠

每取一錠先以涼水灌漱次嚼薄荷五七葉每用

藥同嚼以井水嚥下

甚者連進二三服局方

解毒雄黃丸

治喉閉口噤水漿不下危急者雄黃水

飛鬱金各二錢半巴豆十四粒去皮油

右為末醋麪糊和丸棗豆大茶清下七丸如口噤

則以醋磨化搐入鼻中須臾吐利煩痰即醒局方

牛黃涼膈丸

治咽喉腫痛口舌生瘡頰頰赤腫熱痰

壅塞馬牙稍寒水石煨石膏煨各二兩

甘州燼一兩牛膽南星七錢半紫石英煨水飛五

錢牛黃龍腦麝香各二錢半右為末蜜和兩作三

十丸每一丸薄

七寶散

治喉閉及單雙蛾猪牙皂角一錢全蝎十箇

去毒鵬砂雄黃白礬膽礬各一錢右為細末

每取一字吹入

喉中即愈丹心

良醫外形篇一

四十七



膽礬散

治咽喉痺腫塞。膽礬半錢，全蝎二箇，右為末。以雞羽蘸藥入喉中，須臾破開，聲出。次用出。

雞內金散

噙化神效必用

治喉閉單雙蛾。臘月雞批，腔裏黃皮，陰乾。細末一錢，菜豆粉二錢，右生蜜和，作二九。

備急丹

日為末吹入喉中，神效。綱目

治咽喉閉。青黛、芷、硝、白、僵、蚕各一兩，甘州四兩，右為末。臘月牛膽有黃者，盛藥，陰四十九。

龍腦膏

砂五粒，片腦一錢，右為末，蜜丸。彈子大，噙化，嚥下。別方

治喉痺腫痛。薄荷葉一斤，甘州三兩，防風川芎、苦蔓各二兩，炮硝一兩，白豆蔻二十粒，縮

青龍膽

治咽喉閉塞腫痛，并單雙蛾。神效。膽礬盛於青魚膽內，陰乾為末，吹入喉中，立效。無青魚

則蠶魚膽代之，臘月者甚佳。活人

吹喉散

治咽喉腫閉塞。膽礬五錢，無膽礬則代以綠礬，入青魚膽內，風乾。無青魚則代以蠶魚膽。巴豆七箇，去殼，炮硝二錢，半另研，銅青一錢，輕粉五分，青黛一字，右將膽礬同巴豆於銅鉢內飛過去。巴豆合炮硝等四味，再入麝香少許，每用一字吹入喉中，吐出痰血，立愈。綱目

清涼散

治實火咽喉腫痛。苦蔓一錢，半梔子、連翹、黃芩、防風、枳殼、黃連、當歸、生地、黃、甘、州各七分，薄荷、白芷各三分，右剉作一貼，燈心一團，細茶一撮，水煎服。同春

加味四物湯

治虛火喉痺喉痛喉癢。最能降火。苦、黃、甘、州各一錢，半熟地、黃、白、芍、藥各七分，當歸、川芎、黃、柏、蜜、水炒，知母、天花粉各五分，右剉作一貼，水煎入竹瀝一鍾，服。同春

急喉痺

靈樞曰：瘡發咽隘，名曰猛疽。此疾治遲，則咽塞咽塞，則氣不通，氣不通，則半日死。喉閉而暴

發暴厥者名曰走馬喉痺醫鑿○夫喉之為會厭者經謂之吸門是也以其司呼吸主升降為入身緊關之橐籥門戶也若夫卒然腫痛水漿不入言語不通厥在須臾試可驚駭正傳○疾速用鍼法吐法以救之藥不得下當以曲竹管灌藥入喉為妙類聚○急喉閉其聲如鼾有如痰在喉響者此為肺絕之候宜用人參膏救之用薑汁竹瀝放開頻頻服之如未得參膏先煎獨參湯救之早者十全七八次則十全四五遲則十全一二也綱目○孫兆治潘元從急喉以藥半錢吹入喉中少頃吐出膿血立愈潘謝曰大急之患非明公不能救非藥不能療贈金百兩願求其方孫曰猪牙皂角白礬黃連等分瓦上焙為末取既授以方不受所贈同春○牙關緊者須開關用一字散二仙散毒結五如聖勝金錠解毒雄黃丸方並見上龍腦破毒散奪命散玉鑰匙金鎖匙巴豆烟○挫喉氣不通冷水徐灌之山居

### 龍腦破毒散

治急慢喉閉腫塞不通  
白僵蚕 甘艸 各八錢 蒲黃 五錢 馬勃 二錢 龍腦 麝香 各一錢 右為末 每一錢 井水調膏細噉即破出血便愈如不是喉痺自然消散也無不神代以烟 硝 御院

### 一字散

治急喉纏喉風咽喉堵塞水穀不下牙關緊急不省人事猪牙皂角七錢雄黃一錢生白礬每一字吹入鼻吐痰入門

### 二仙散

治急喉閉及纏喉風危急  
膽礬 一錢 白僵蚕 二錢 右為末吹少許入喉中入門

### 奪命散

治急喉閉枯白礬白僵蚕炒鵬砂皂角各等分右為末吹少許入喉中痰出即差丹心

### 玉鑰匙

治急喉閉及纏喉風烟稍七錢半鵬砂二錢半白僵蚕一錢二分半龍腦一字右為末以竹管吹半錢入喉中神效直指

金鎖匙

治急喉閉纏喉風朱砂三分二釐枯白礬膽礬各一分六釐鴨砂一分二釐熊膽煨硝片腦麝香各一分右為末吹半錢入喉中 醫鑿

巴豆煙

治喉閉危急宜開關巴豆肉以紙壓取油用紙作燃子點燈吹滅以煙熏鼻中一時口鼻流涎牙關自開經驗○又方巴豆肉綿裹隨左右塞鼻中左右俱患則左右俱塞立通入門○巴豆乃斬關奪門之將熱則流通之理以熱攻熱不妨碍也 丹心

纏喉風

熱結咽喉腫遠於外且麻且痒腫而大者名曰纏喉風 醫鑿 ○纏喉風自耳邊過頤下赤兔者是也大概內外皆腫者為纏喉風得效○纏喉風之證先兩日胃膈氣緊出氣短促忽然咽喉腫痛手足厥冷氣閉不通頃刻不治 丹心 ○纏喉風屬痰熱六咽喉裏外皆腫者是也 丹心 ○五用解毒雄黃丸如聖勝金錠龍腦破毒散一字散二仙散玉鑰匙巴豆煙 七方皆見上雄黃散佛手散白礬

散水梅丸 方見下 兼用鐵法此法乃效

雄黃散

治纏喉風危急巴豆七粒二三生四熟生者去殼生研熟者去殼燈上燒存性研乾桑黃茄二片雄黃一塊細研鬱金一枚研右再研細每服半字茶清少許調下如口噤咽塞以竹管吹入喉中須臾吐利即安矣 得效

佛手散

治纏喉風神效苳稍一兩白殭蚕五錢甘州閉甚以竹管吹入類聚

白礬散

治纏喉風及急喉閉白礬二三錢巴豆三箇去殼分作六片右銚器同炒候礬枯去豆取礬為末水調灌下或吹入喉中或烏雞子清調灌入喉中類聚

懸雍垂

懸雍生於上腭雖不關於咽喉所以暴腫者抑亦熱氣使然也 直指 ○懸雍謂之帝鐘懸雍腫

而垂下有長數寸者謂之帝鍾風宜用鹽礬散不可  
可鐵破鐵則殺人得效。○懸雍者音聲之關若藏  
府伏熱上衝咽喉則懸雍或長而腫也宜吹喉散  
玄參散鵬砂散類聚。○腎傷寒咽痛及帝鍾腫者  
忌鹹以蛇床子於瓶中燒烟  
冷病人吸入喉中立愈 入門

### 鹽礬散

治懸雍垂長咽喉妨悶鹽化白礬枯右  
為末以筋頭蘸藥塗其上即差 本州

### 吹喉散

治懸雍下垂腫痛及一切咽喉疾膽礬白礬  
煨硝片腦山豆根辰砂雞內金煨右為極細  
末以竹管吹少許  
入喉中即效 回春

### 玄參散

治懸雍腫痛垂長玄參一兩升麻射干大黃  
酒洗各五錢甘州炙一錢半右剉五錢水煎  
微溫時時  
含嚥 類聚

微溫時時  
含嚥 類聚

### 鵬砂散

治同上鵬砂馬牙硝滑石寒水石各五錢龍  
腦白礬各二錢右細末新水調半錢服類聚

### 梅核氣

七情氣鬱結成痰涎隨氣積聚堅大如塊在心  
膜間或塞咽喉如梅核粉絮樣咯不出嚥不下  
每發欲絕逆害飲食宜四七湯 見氣門 方  
或有胃喉間梅核作恙者觸事勿怒飲食勿冷直  
指。梅核氣者窒碍於咽喉之間咯不出嚥不下  
如梅核之狀是也始因喜怒太過積熱蘊隆乃成  
厲痰鬱結致斯疾耳宜加味  
四七湯加味二陳湯 醫鑿

### 加味四七湯

治梅核氣妙不可述紫蘇葉半夏厚朴  
赤茯苓陳皮枳實南星縮砂神麴各一

錢青皮七分白豆蔻六分檳榔益智仁各  
三分右剉作一貼薑五片水煎服 醫鑿

### 加味二陳湯

治同上二陳湯加枳殼苦黃黃芩梔子  
蘇子白豆蔻各七分右剉作一貼入薑

三片水煎  
服 醫鑿

### 尸咽

尸咽者陰陽不和脾肺壅盛風熱毒氣不能宣通  
故冷尸虫發動上蝕於喉或痒或疼如蠶之候也

直指 ○與傷寒

狐惑同當參考

### 穀賊

穀賊者穀芒強澀藏於米而誤食之滯於咽門不能傳化故風熱併聚與血氣搏遂令腫刺也不急

治亦能殺入直指 ○誤吞稻麥芒在咽間不下急取鵝口中涎灌之即下蓋鵝涎能化穀也 綱目

### 治穀賊方

琥珀松脂各五錢礪砂二錢半乳香一錢化燕津類聚 ○又方馬牙研細綿裹半錢含化

### 咽喉痛

咽痛云噤痛者謂咽喉不能納唾與食而地氣閉塞也云喉痺咽噤痛者謂咽喉俱病天地之氣並閉塞也益病喉痺者必兼咽噤痛病咽噤痛者不能兼喉痺也 綱目 ○咽痛者風邪客於喉間氣鬱而熱故為咽痛 直指 ○咽喉乾枯常如毛刺吞嚥有碍者風燥也荊防敗毒散 方見寒門加薄荷黃芩半夏倍苦黃入生薑煎服 人門 ○咽喉痛鵬砂或和膽礬白僵蚕白梅肉和噲又必用荊芥

玄參丹心 ○咽喉痛宜上清丸加減薄荷煎丸龍腦膏 方見上 荊黃湯必用方甘苦湯金消丸清火絳雪散

補陰湯

### 上清丸

治咽喉腫痛口舌生瘡能爽神薄荷葉一斤縮砂四兩甘艸二兩防風黃芩苦黃各一兩右為末蜜和兩作二十九丸 每丸常含化 嚥之 奇效

### 加減薄荷煎丸

治風熱咽喉腫痛薄荷葉八兩防風川芎白豆蔻各一兩縮砂甘艸各五錢龍腦五分苦黃二兩右為末蜜和兩作二十九丸 每丸常含化 嚥之 御藥

### 荊黃湯

治風熱結滯咽喉腫痛大便秘澀荊芥四錢大黃一錢右剉水煎空心服 入門

### 必用方甘桔湯

治風熱咽喉腫痛或喉痺神效苦黃二錢甘艸一錢荊芥防風黃芩薄荷各一錢右剉作一貼水煎徐徐服 加玄參一錢尤妙 必用

金消丸

治咽喉腫痛黃柏荆芥射干黃芩各等分  
右為末蜜丸櫻桃大每十九含化 簡易

清火補陰湯

治虛火上升喉痛喉閉或生瘡玄參二錢  
白芍藥熟地黃各一錢當歸川芎黃

栢童便炒知母由天花粉甘州各七分右剉作一  
貼水煎入竹瀝三匙溫服 醫鑿 ○喉乾燥痛四物  
湯方見血門 加苦黃荊芥

黃栢知母煎服立已 正傳

絳雪散

治咽喉熱痛腫寒水石煨五錢鵬砂馬牙  
硝朱砂各一錢龍腦半錢右為細末每一字

摻入口中

燕津直指

傷寒咽痛

傷寒陽毒陰毒皆有咽痛詳見本門 仲景 ○  
伏氣之病謂非時暴寒中入伏於少陰經始

不覺旬月乃發先發咽痛次必下利脉微弱古方  
謂之腎傷寒宜用半夏桂甘湯 活人 ○少陰客寒

咽痛宜甘苦湯苦黃

湯荊芥湯方見下

半夏桂甘湯

治腎傷寒咽痛半夏薑製桂枝甘州各  
二錢右剉作一貼入薑五片同煎候冷

徐徐呷

之活人

甘桔湯

治少陰客寒咽痛苦黃三兩甘州一兩右剉  
五錢水煎徐徐服之加鼠粘子竹茹各一錢

治咽痛尤

妙海藏

苦蘆湯

治同上苦蘆一兩甘州二兩右剉五錢水煎  
如上法服之 海藏 ○二味等分名如聖湯 直

咽喉瘡

咽喉瘡者胃熱熏炙上焦發為白頭赤根  
發聲散 直和 ○咽喉生瘡痛多屬虛火遊行無

制客於咽喉宜用人參荊芥蜜炙黃栢 綱目 ○咽  
喉生瘡勿用生薑辛辣反甚故也 綱目 ○楊梅天

瘡瘡服輕粉毒氣流注多作咽瘡潰爛詳見諸瘡  
門 ○咽喉瘡宜用利隔湯牛蒡子湯清火補陰湯

加味四物湯方見上 通隘散方見

佛手散發聲散治喉痺生瘡方

利膈湯

治咽喉生瘡薄荷荆芥防風苦黃八參鼠粘子炒甘州各一兩右為末每二錢沸湯點服

牛蒡子湯

治咽喉腫痛牙關緊急或生瘡癰或愈後復攻胃腸氣促身熱不能坐臥牛蒡子二錢玄參犀角升麻黃芩木通苦蔓甘艸各一錢右到水煎食後服入門

佛手散

治風熱咽喉腫痛生瘡薄荷葉二兩芫硝一兩甘草七錢苦黃蒲黃各五錢青黛二錢右為末取少許乾糝或以竹管吹入喉中丹心

發聲散

治咽喉痛生瘡妨悶黃瓜萹大者一箇苦黃七錢半白蠟蚕炒五錢甘州炒二錢右為末每取少許乾糝如咽喉腫痛左右有紅或一邊紅紫長大此藥加朴硝一錢和勻糝之喉中有小白頭瘡前藥入白礬末半錢和糝網日

治喉痺生瘡方

喉痺乳蛾腫痛生瘡潰爛水漿不入用紙捲藥在中兩頭撚緊從中剪斷塞入兩鼻中一時頭頂冰涼咽喉即開種杏

喉痺失音

喉門去陳皮加黃芩服之曾服涼藥自利聲音有壞者亦用祕傳降氣湯救之入門咽痺失音宜用通隘散增損如聖湯荊芥湯通關飲苦蔓湯神效散○喉閉生瘡失聲音服紫雪神效方見火門

通隘散

治喉痛生瘡聲啞白鵝砂二錢孩兒茶青黛滑石寒水石各一錢蒲黃馬牙硝枯白礬各六分黃連黃栢各五分片腦二分右細末煉化白砂糖和丸芡實大臥時舌壓一丸自化入喉神效一方以葦筒吹少許入喉中亦神效醫鑿

增損如聖湯

治咽喉腫痛妨悶語聲不出苦黃二兩甘州炙一兩半枳殼防風各五錢右末

三錢煎水入酥如  
藥許攪服綱目

### 荊芥湯

治咽喉腫痛語聲不出嚥之甚妙苦黃二兩  
甘州一兩荊芥穗五錢右為籠末每取四錢  
入薑三片水  
煎呷服三四

### 通關飲

治喉痺腫痛不能言語此從治之法無不愈  
苦黃二錢甘州炙一錢半人參白朮赤茯苓  
各一錢防風七分荊芥薄荷乾薑炮  
各五分右剉作一貼水煎服正傳

### 苦葶湯

治咽喉腫痛聲破難語苦黃甘州各一錢半  
當歸馬勃各一錢麻黃五分白僵蚕黃芩各  
三分桂枝少許右剉  
作一貼水煎服東垣

### 神效散

治喉痺語聲不出荊芥穗麻肉等分為末  
蜜丸皂子大綿裹含化○又方猪牙皂魚  
霜梅為末  
噙之三四

### 天行喉痺

時行咽喉痛宜用普濟消毒飲子方見瘟疫  
喉痺一知皆相似者屬天行運氣之邪大忌  
酸藥點之寒藥下之鬱其邪於內不得出也綱目  
○天行喉痺取鴨黃膽礬末半錢吹入喉中吐痰  
立愈如無膽礬以透  
明綠礬代之正傳

### 咽喉急閉方鍼

咽喉急閉皆屬相火惟砭刺出血最為  
治此疾暴者必先發散發散不愈次取痰取痰不  
愈次上汚血空鍼之綱目○凡喉閉急證速用鍼  
刺出血并豁吐痰涎為要若遲緩不救則死回春  
○火鬱則發之砭刺出血即注之義也血出多  
則愈有鍼瘡者薑汁調熟水時時呷之凡關上血  
泡最宜鍼關下不見者令病人含水一口用薑管  
尖刺鼻孔出血妙入門○一婦人患喉生蛾不肯  
鍼范九思云我有一藥須新筆點之乃愈鍼在筆  
頭內刺血出血即愈入門○咽喉腫痛  
惟腎傷寒及帝鍾風者已公鍼入門



咽喉急閉吐

凡喉痺勿論大人小兒非吐不可如膽  
礬石綠之類為末薄荷汁入醋同調以  
鷄翎蘸藥送入喉內徐徐引痰吐出為佳  
喉痺多屬痰宜用吐法丹心  
直捷法去涎方或用  
好醋噙漱吐痰亦妙

吹喉散

治喉閉腫痛綠礬五錢入青魚膽內風乾巴  
豆七箇去殼朴硝二錢半另研銅青一錢輕  
粉五分青黛少許右將膽礬同巴豆於銅銚內飛  
過去巴豆合朴硝等四味再入麝香少許每用一  
字吹入喉中吐出  
痰血立愈正傳

引痰直捷法

治喉痺冬月青魚膽用白礬入內臨用  
加百州霜炒鹽少許醋調以鴨毛蘸藥  
引吐痰出如無魚膽用白礬半兩巴豆肉十枚同  
枯過去巴豆用礬如上法吐痰神效吐後用金鎖  
匙方見上吹之常服必用  
方甘苦湯見妙方見上

去涎方

治喉痺猪牙皂角五錢膽礬一錢半青黛五  
分右為末醋糊和丸櫻桃大每一丸以熟絹  
裹在筋頭上用好醋潤透將藥點在喉瘡上咬著  
筋其涎如水即解後服防風通聖散丹心  
其毒此急則治標之法也必須兼以內經

咽喉閉通治

從治之法以苦黃甘州玄參升麻防風羌活荊芥  
人參白朮茯苓之類少加乾薑附子為嚮導徐徐  
頻與不可頓服此為治之大法也切不可驟用寒  
涼之藥殊不知上熱未除中寒復生至於發喘發  
脹皆為不治之證正傳  
喉痛必用荊芥陰虛火  
炎必用玄參丹心  
咽喉腫痛諸證皆用清涼散  
方見上加減用之同春  
丸清咽利膈散必用方甘苦湯方見上  
散方見上金鎖匙方見上  
琥珀犀角膏方見上

冰梅丸

治十八種喉痺俱效又治喉風腫痛如神大  
南星三十五箇大半夏白礬白鹽防風朴硝

東醫醫書卷外形篇一

五十六  
六十七

各四兩苦菱二兩甘州一兩揀七分熟大梅實一百箇先將稍鹽水浸一伏時然後將各藥碾碎入水拌勻方將梅實置於水中其水淹過梅子二三指為度浸七日取出晒乾又入水中浸透晒乾或藥水乾為度方將梅子入磁罐封密如霜衣白愈佳用時繩裹嚼在口中徐徐嚥汁下痰出即愈回春  
○入門有皂角  
四兩無甘州

### 龍腦川芎丸

治咽喉諸病通利七竅爽氣清神除熱消痰消風化滯薄荷葉五兩三錢苦菱一兩半川芎防風甘州各一兩白豆蔻五錢片腦三錢縮砂仁二錢右為末蜜和每兩作二十九丸每丸細嚼茶清下嚥化亦可御院  
此與加減薄荷煎丸同而分兩異

### 清咽利膈散

通治乳蛾喉閉等證苦黃連翹各一錢薄荷防風玄參黃連金銀花甘州各五分其太黃芩連梔子並酒炒右剉作一貼水煎溫服食後

### 咽喉不治證

凡咽喉閉毒氣歸心胃前腫滿氣煩促下部洞泄不止者久得效○凡喉痺初發聲未除中寒復起毒氣乘入腹胃前高腫上喘下泄手足爪甲青紫七日後全不食口如魚口者死○凡治

### 魚骨鯁

凡骨鯁在咽不下用玉屑無憂散三四○凡治鯁之法皆以類推如鷓鴣治魚鯁磁石治鐵鯁髮灰治髮哽狸虎骨治骨哽各從其類也三四○諸魚膽皆下骨鯁鯁魚鱗魚鯽魚膽皆可用臘月收者尤佳取一皂子許溫酒化呷之若得吐便出未吐更飲溫酒但以吐為妙未出更服本劑○南鵬砂噙化其骨脫然而失得效○貫衆濃煎一盃半分三服連進片時一啞而骨出得效○縮砂甘州未綿裹含嚥即吐丹心○野苧根洗淨爛搗如泥取櫻桃大如雞骨以雞羹化下如魚骨以魚羹化下立出丹心○魚骨橫喉中鯉魚鱗皮燒作屑和水服即出本劑○魚骨在肚中刺痛煎吳茱

黃汁一盞飲之骨軟而出綱目。○管州根汁飲之即下綱目。○海獺皮煮汁飲水獺亦可。又鷓鴣或魚狗鳥燒灰和飲服即下本州。○鳳仙花子水研取汁以匙送入咽下勿犯齒無子用根醫鑿。皂角末吹鼻得嚏即出類聚。

### 獸骨髓

在咽不下象牙磨水嚥下梳笏皆可用得效。○系木上虫屑米醋煎灌漱自下得效。○將狗倒吊起涎出盛碗徐徐嚥下其骨化為水如神以狗善食諸骨也同春。○諸肉骨鯁雞足一對燒灰水調服類聚。○獸骨鯁虎骨為末水調服狸骨亦可煮汁服亦佳本州。○雞骨魚骨鯁白梅肉槌成丸子綿裹用線穿在內冷茶送下回春。扯住線頭在手一嘔即出回春。

### 玉屑無憂散

治諸骨鯁不下及纏喉風寒水石蝦鵬砂各三錢玄參貫衆滑石縮砂山豆根黃連甘州赤茯苓荆芥穗各五錢右為末每錢抄入口以新水嚥下得效

### 引鯁法

鯁在咽不下聚牛筋或鹿筋漬之索緊令人吐彈丸持筋端吞之候至鯁處徐徐引之鯁者筋即出本州。○又法綿絮一小塊以蜜煮用如上方法即出得效。○曾離白命系以繩繫中吞雞到鯁處引之鯁即隨出本州。○下方用韭白如上方法以茶嚥下引之亦出醫鑿。○弓弦槌令頭散吞引之亦出俗方。

### 呪法

治諸鯁不下以淨器盛新汲水一盞捧之面東默念云謹請太上東流順水急急如南方大帝律令勅一氣念七遍即吹一口氣入水中如此七次以水與患人飲立下或云用此呪水可以食鍼并竹刺醫鑿。

### 禳法

治鯁不下另取魚骨一根挿於患人頭髮內不必言須臾即下種杏。

### 誤吞諸物

誤吞金銀物在腹中取水銀服之令消煇出也綱目。○金見水銀則如泥故吞金銀物者

服半兩即消出本州。○誤吞金銀及銅錢，縮砂濃煎湯飲之，其銅自下。又勃薺研爛服之，其銅自化。又堅炭為末，米飲調服，從大便為出，如烏梅狀。入門。○誤吞銅錢鐵物，勃薺恣食，須臾自化。去試將一錢，并勃薺四五枚，同嚼，其錢立碎。類聚。○多食胡桃，其銅自爛。同春。○胡粉一兩，水調分再服，亦出。本州。○誤吞錢服煉蜜二升，即出。又節糖一斤，漸漸盡食之，使出。誤吞環及釵者，服之亦出。本州。○誤吞銀釵簪或竹木，不得出，多食白糖至數斤，當暴物自出。類聚。○小兒吞錢，小出煮葵汁冷飲，即出。根葉子同功。本州。○誤吞釵，雍白暴令萎黃，煮熟勿切，食一大束，釵即隨出。本州。○誤吞鐵磁石如棗核大，磨令光，鑽作竅，絲穿令含，鐵自出。本州。○又方用蚕豆煮熟同韭菜喫之，鹹與菜從大便而出。一方用豌豆入門。○誤吞竹木，捨喉不下，故銛燒赤，淬酒中熱飲之。一法鐵斧磨水灌下，亦效。本州。○誤吞釘并箭鏃鐵錢等物，多食猪羊肉，肥脂必自暴出。本州。○誤吞銅鐵等物，多食肥猪

肉葵菜自出。類聚。○誤吞鈎連線者，莫引之急，以珠璫或琥珀珠水晶珠惹草子輩貫著線，推至鈎處引之自出。類聚。○誤吞桃李髓，喉不下，狗頭煮湯摩頭上，差。本州。○誤吞髮鏡，喉不出，亂髮灰水調一錢服，又舊木油梳燒為末，酒調服。本州

### 誤吞諸蟲

須臾以清油灌口中，其蜈蚣滾在血中，即吐。出繼以雄黃末水調服，解其毒。綱目。○誤吞水蛭入腹，久而必生育，食入肝血，腹痛不可忍，面黃瘦能令人死。用田中乾泥一小塊，小死魚三四箇，將猪脂熔勻，用巴豆十枚去皮研爛，入泥內為丸，粟豆大，用田中冷水吞下十九丸，須臾大小水蛭皆下。卻以四物湯煎見血門，加黃芪煎服調補，入門。○水蛭入腹，濃茶多服，自下。種杏。○誤吞水蛭宜食蜜，即化為水，又田中泥作丸櫻桃大白水和下。下。同春。

單方

凡二十八種有  
聖烟筒吹喉散

白礬

治咽喉閉明白礬末一錢巴豆肉一粒同熬乾  
取礬為末吹入喉中涎出自愈 直指  
白礬末半錢烏雞子清一箇調  
勻灌入喉中立效如神 綱目

朴硝

治喉痺神驗含口中細細嚥汁立差馬牙疳疔  
硝同功 本州  
皮一粒同研新水  
和服即效 綱目

鵬砂

治咽喉痺最為要切含化嚥津 本州  
鵬砂馬牙硝等分為末綿裹半錢含嚥汁 直指

升麻

治咽喉痺痛到煎  
取汁含之 本州

馬蘭根

治喉閉垂灰取根搗絞取汁稍稍嚥之口噤  
者灌下葉及子同功子則取四十九枚為末  
水調服葉則取一二  
兩水煎服 本州

牛蒡子

治喉痺取子一合牛生半炒為末熟酒調下  
一錢又牛蒡子六分馬蘭子八分為末煖水  
調一錢服 本州

苦葭

療咽喉痛及喉痺苦葭甘州等分水煎細呷之  
喉痺淡腫連頰吐氣數者名馬喉痺取一二兩  
判水三升煎至一  
升分三服 本州

射干

主喉閉水漿不入採根搗取汁細呷之治喉痺  
最捷或醱醋同研取汁嚥引出涎更妙 丹心

葶麻子

治喉痺及咽腫生瘡取子去皮一箇朴硝一  
錢新水同研服連進即效 丹心  
子取肉超碎紙捲作筒燒烟  
吸之治喉痺名聖烟筒 正傳

馬勃

治喉閉咽痛以蜜搽拌小以水調呷 本州  
同白礬等分為末以蠟翎管吹入喉中吐痰妙  
綱目

皂莢

治急喉閉，槌碎去皮子，按水一盞灌下，或吐或不吐，即安得效。

蠡魚膽

治急喉閉，取少許點患處，藥至即差。病深則水調灌之，臘月收者佳。本州。

壁錢

治喉痺，雙乳蛾，壁錢窩一箇，取患者腦後髮，拔一，根纏定，錢窩燈上以銀簪挑而燒之，存性為末，吹入患處，立消。回春。又壁錢燒存性，白礬枯髮灰等分，為末吹入喉中，治喉閉，名吹喉散。醫鑒。

蟬蛻

治喉痺，取汁點在喉中，即喉開。本州。

蛇蛻

治喉閉，燒為末，吹入喉中。治纏喉風氣不通。蛇蛻炙黃，當歸等分為末，酒服一錢，愈。本州。

蚯蚓

治喉閉，取汁吞之，即喉開。本州。

白殭蚕

治急喉閉，為細末，薑汁調灌，下立愈。本州。又殭蚕炒白礬，生等分為末，白梅肉和丸，皂子大，綿裹含化。燕汁差，直指。

螻蛄

治咽喉，更噎，又治諸物哽，不下，取腦吞之。本州。

石蟹

治咽喉腫塞，搗絞取汁灌之，即開。本州。

雄雀糞

治咽喉閉塞，口噤，取糞細研，溫水調灌，半錢。本州。

雞子

開咽喉，又治咽喉塞，生雞卵一枚，去黃留白，著米醋，燒火沸起，就熱飲醋，盡一二次，即差。綱目。

瓠花上飛蛾

治咽喉腫痛，閉塞，燒為末，吹入喉中，神效。俗方。

梨汁

治喉痺，熱痛，上好消梨，榨取汁，頻飲之，多服為良。正傳。

蘿蔔汁

治喉痺，水穀不下，取汁徐徐嚥之，即愈。綱目。

飴糖

治魚骨鯁，不下，作丸如雞子，黃大吞之，若不下，大作丸，嚼下之，為妙。本州。

米醋

飲咽喉，瘰癧，用上好醋，嚥漱，吐痰為妙。同春。

大麥麩

治纏喉風食不能下取麩作稀粥令嚥之既滑膩容易下咽以助胃氣本艸

脂麻

治穀賊炒為末湯點服之直指

鍼灸法

喉閉少商合谷尺澤皆鍼之丹心○喉痺因惡血不散故也及出惡血最為上策綱目○咽喉肺痺鍼風府主咽喉諸病及毒氣歸心等項惡證無不效又鍼少商咽喉腫痛皆治之又鍼合谷又鍼上星治頰腫纏喉風等證又鍼足三里得效○喉痺刺手足少陽并即關衝竅陰東垣○喉痺乳蛾取少商照海大衝東垣○咽喉閉塞取照海靈樞○牙關不開取陽靈穴出血即愈得效○喉痺取豐隆涌泉關衝少商隱白少衝綱目○累年喉痺男左女右手大指中第一節灸二三小壯丹心○根脚咽喉常發者耳垂珠下半寸近腮骨灸七壯二七尤妙得效○足陽明之別名曰豐隆其病氣逆則喉痺卒瘕宜取之靈樞

頸項

頸項寸數

結喉以下至缺盆中長四寸項髮以下至背骨長二寸半靈樞

頸項部位

前日頸後日項○缺盆之中任脈也名曰天突一次任脈側之動脈足陽明也名曰人迎二次手陽明之脈名曰扶突三次手太陽之脈名曰天窓四次足少陽之脈名曰天容五次手少陽之脈名曰天牖六次足太陽之脈名曰天柱七次項中央督脈名曰風府靈樞

項強

諸瘕項強皆屬於溼內經○項強卒口噤背反張為瘕仲景○頸項乃足太陽膀胱之經足少陰腎經與膀胱經為表裏故太陽感風濕為頸項強痛身腰反張為瘕本事○項強宜木瓜煎椒附散回首散羌活勝溼湯○一人項強不能回顧動則微痛脈弦數實作痰熱容太陽經治用二陳湯方見痰飲加酒芩羌活紅花二服愈丹心○傷寒項強結胸項強瘕病亦項強並見本門

### 木瓜煎

治筋急項不得轉側。木瓜兩箇取蓋去瓢，沒藥五錢，乳香二錢，半並研右二味入木瓜中，用蓋蓋了，竹簽簽定，飯上蒸三四次，研爛成膏，每服三五匙。地黃酒化下。酒法：地黃汁半盞，好酒二盞相和，用溫服。○有人患此證，自午後發，至黃昏時定。予曰：此患必從足起，蓋足太陽之筋自足至項筋者，肝之合也。自离至兌，陰旺陽弱之時，故靈寶畢法云：离至乾，腎氣絕而肝氣弱，肝腎二藏受陰氣，故發於此時。授此方，二服而愈。本事。

### 椒附散

治腎氣上攻，項背不能轉移。大附子一箇炮去皮，臍末之。右末每二錢好川椒二十粒，白麩填滿水一盞，半薑七片煎至七分，去椒入鹽空。心溫服。○一人患項筋痛，連背脚不可轉移，服諸風藥皆不效。予憶千金謂有腎氣攻背，強一證與此方。一服差益，腎氣自腰挾脊上至曹溪，尤然後入泥丸宮。曹溪一丸非精於搬運者不能透，今逆行至此，不得通用椒以引歸經，則安矣。氣上逆椒

下達故服之即愈 本事

### 回首散

治頭項強急，筋急或挫枕轉項不得者。烏藥順氣散方見風門。加羌活獨活木瓜水煎服。

### 羌活勝溼湯

治太陽經中寒溼，項強或似拔不得回。顧羌活獨活各二錢，藁本防風甘州各一錢，川芎蔓荊子各五分。右剉作一貼水煎服。東垣。

### 項軟

項軟者，天柱骨倒也。症用健骨散生筋散。小兒見者不識，謂之五軟。綱目：小兒因風頸起軟，頭不得正，或去前或去後，宜用天柱丸五加皮散風熱項軟，合用涼肝丸。方見小兒得效。

### 天柱丸

治項軟。蛇含右一大塊，火煨醋淬七次，鬱金末少許，右研細入麝香少許，飯丸。芡實大每



一丸荊芥湯入薑汁  
一二點化下得效

### 五加皮散

治同上取皮為末酒調傳  
項骨上乾則易溼者得效

### 風府穴護

風府穴名也在腦後○內經曰巨陽者諸陽  
之屬也其脉連於風府故為諸陽主氣也然  
則固傷寒之所自起也北人皆以毛髮之南人怯  
弱者亦以氣護其項俗謂三角是也凡怯弱者須  
護其項後  
可也 資生

### 單方

凡四種

### 黑豆

治頭項強不得顧視豆  
蒸熟納袋中枕之 本州

### 桃葉

治風項強不得回顧生桃葉  
蒸熟入袋著項上熨之 本州

### 活鼠

項強身中急者取活鼠破腹  
去五藏就熱傳之即差 本州

### 葶麻葉

治風溼項強常  
傳之為妙 俗方

### 鍼灸法

項強取承漿風府 綱目  
會風池完骨瘻門太杼 甲乙  
○頸項痛強取通天百  
○頸項痛取後谿

綱目  
○頸腫取足陽  
明手陽明兩經 綱目

### 背

### 背脊骨節有數

脊骨以下至尾骶二十一節長三尺  
寸八分七釐中七領每領一寸四分一釐共九  
寸二分七釐下七領每領一寸二分六釐共八  
寸八分二釐 神應  
○二十一領長三尺校之則上  
七領共九寸八分七釐中七領下七領共二尺一  
分三釐合為  
三尺 資生

### 背有二關

問背後三關答曰腦後曰玉枕關夾脊曰轉  
轡關水火之際曰尾閭關乃精氣升降之道

路也 正理。人之脊骨二十四節節之末名曰尾  
閭穴又名龍虎穴又名曹溪路又名三岔路又名  
河車路又名朝天嶺又名上天梯。尾閭穴之骨  
頭圓如渾金上有九竅內外相連即泥丸宮也。  
脊骨兩傍三條逕路上衝直至頂門泥丸宮下降  
復至丹田復連至尾閭穴。尾閭穴乃下關也從  
下至上十八節乃中關也泥丸宮為上關此三關也 正理

### 脉法

靈樞曰腎脉緩甚為折脊。內經曰寸口脉中手  
促上擊者曰肩背痛。脉大者心下有留飲其人  
背寒冷。凡背惡寒甚者脉浮大而無力是陽虛也 丹心

### 背為胸府

背者胸中之府背曲肩隨  
胃將壞矣 胸內經元本

### 背寒

內伏寒痰則寒從背起冷如掌大直指。背惡寒  
是痰飲仲景云心下有留飲其人背惡寒冷如冰  
茯苓丸 玄見痰飲主之綱目。背心常一片冰冷  
者痰飲也導痰湯方見痰飲合蘇子降氣湯方見

氣門服之入門。凡人每日背上一條如線而寒  
起者痰也宜吐下之丹心。背寒有陰有陽傷寒  
少陰證背惡寒者口中和陽明證背惡寒者口中  
乾燥此寒熱之辨也 入門。背寒宜貼禦寒膏醫

### 禦寒膏

治體虛人背上惡寒或夏月怕脫衣及婦人  
產後被風冷手足冷痛至骨又治腰痛生薑  
半斤取自然汁入明膠三兩乳香沒藥各一錢半  
銅杓內煎化移在滾湯內頓以柳條攪至成膏又  
入川椒末少許再攪勻用皮紙攤貼患處用鞋底  
烘熱熨之候五七日脫下或起小瘡不妨醫鑿

### 背熱

背熱屬肺肺居上焦  
故熱應於背入門

### 背痛

肩背痛屬肺分野內經曰西風生於秋病在肺俞  
在肩背故秋氣者病在肩背又曰秋脉太過則金  
入逆氣背痛愠愠然綱目。肺病者喘咳逆氣肩  
背痛汗出又曰邪在腎則病肩背頸項痛靈樞。

肩背痛宜用通氣防風湯脊痛項強腰似折頭似  
後宜羌活勝溼湯方見頸項○背心一點痛宜三  
合湯醫鑿○脊骨脚眼痛宜蒼朮復煎湯方見血門○  
醫火痛者陰虛而胸脫有火也四物湯方見血門  
加知母黃柏及桂少許有痰合二陳湯方見痰飲  
加澤瀉前胡木香為引痛甚加乳香沒藥入門○  
背疼乃作勞所致枝藝之人與士女刻苦者多有  
此患色勞者亦患之惟灸膏肓穴為妙資生○一  
男子患背脚縫有一線痛起上肩跨至臂前側胸  
而止其痛晝夜不歇診其脈弦而數重取豁大左  
大於右予意背脚小腸經也胃腸膽經也此必思  
慮傷心藏未病而小腸府先病故痛從肩脚起  
及慮不能決乃歸之膽故痛至胃腸而止乃小腸  
火乘膽木子來乘母是為實邪詢之果因謀事不  
成而病用人參四分木通二分煎湯  
吞龍蒼丸方見五藏數服而愈丹溪

### 通氣防風湯

治太陽經中寒濕肩背痛不可回顧又  
云肩背痛乃風熱乘肺肺氣鬱甚也黃

### 三合湯

治背心一點痛烏藥順氣散方見風門合二  
陳湯方見痰飲香蘇散方見寒門加羌活蒼

朮水煎  
服醫鑿

### 蒼朮復煎湯

治寒濕相合腦痛脊骨脚眼痛膝臏痛  
蒼朮四兩水二椀煎至一椀去滓入羌

### 脊強

活升麻澤瀉柴胡藁本白朮各五分黃柏三分紅  
花少許右剉入蒼朮湯內再煎至半去滓服丹心  
腎脈之別名曰長強其病實則脊強靈樞○足太  
陽之脈病腰脊強痛靈樞○膀胱腎間冷氣攻衝  
背脊腰脊強俯仰不利宜烏沉湯方見氣門○脊  
痛項強背痛不可回顧此足太陽手太陽經中溼  
氣鬱不行也宜羌活  
勝溼湯方見頸項

### 背偃僂

中溼背偃僂足躄成廢甘遂一錢為末入猪腰  
子內煨食之上吐下瀉即愈入門○一人背偃

東醫醫鑿小形請一

六十六  
六十七

僕足攣脉沉弦而細以煖腎散與之上吐下瀉凡  
三服乃愈方見三法○腰脊間骨節突出亦是中  
溼內經曰溼熱不攘大筋縲短小筋弛長縲短為  
拘弛長為痿註曰大筋受熱則縮而短小筋得溼  
則引而長是故背偃僕而骨節突出也依上法治  
之綱目○老人偃僕乃精髓不足而督脉虛也宜  
用補腎益精  
髓之劑類聚

### 龜背

詳見小兒門

### 單方

凡四種

### 羌活

治風濕脊痛項強不可回顧到水煎服之湯液

### 獨活

治中溼頸項難舒到酒水煎服本州

### 烏藥

治膀胱腎間冷氣攻衝背脊到水煎服或未服之湯液

### 膈臍

主治背膈勞悶或痛酒炙末服或丸服本州

### 鍼灸法

脊脊強痛取人中綱目○肩背疼取手三里綱目○背痛連脾取五樞崑崙懸鐘肩井及脾縫

穴在背端骨下直腋縫火及臂取二寸半瀉六吸綱目○背疼乃作勞所致惟膏肓為要穴或背上先灸遂牽引肩而上而疼者乃膏肓為患當灸膏肓俞及肩井可愈資生

## 訂正東醫寶鑑外形篇卷之二

